

四庫全書

史部

欽定四庫全書

史部

御定資治通鑑綱目三編卷二十七

詳校官庶吉士臣范逢恩

編修臣裴謙覆勘

總校官舉人臣章維桓

校對官員外臣張慎和

謄錄監生臣賈秉義

欽定四庫全書

御定資治通鑑綱目三編卷三十七

起壬午明神宗萬曆十年盡
辛卯明神宗萬曆十九年

凡十年

十年春正月免天下逋賦

發居卑者百姓財力有限即年歲豐收一年所入僅
足以供當年之數不幸荒歉則見年尚不能辦豈復
有餘力完累歲之積逋乎有司規避罪責往往將見
年所徵那作帶徵名為完舊欠實則減新收也今歲
之所減即為明年之拖欠見在之所欠又是將來之
帶徵計其無已民何以堪況頭緒繁多年分混雜小
民竭脂膏奔走鉅額甚者不肖有司因而漁獵與
其服民以實奸貪之素孰若盡減以施曠蕩之恩今

戶部自隆慶元年至萬曆七年各省未完帶徵錢糧一百餘萬而江南蘇松兩府至七十餘萬蓋以彼處稅糧原重故逋負獨多昨應天巡按孫光祐具奏請蠲戶部以干係國計未敢擅議竊謂德惠當出朝廷若令地方官請而得之則恩歸於下怨歸於上矣允諭戶部覈萬曆七年前積負悉行蠲免帝從之凡免一百餘萬有奇而是時帑藏充盈國最完富太倉之粟可以支十年

三月杭州兵亂以兵部侍郎張佳允巡撫浙江討定之

初杭州東西二大營兵每名月給餉銀九錢巡撫都御史吳善言奉詔議減三之一各兵稍有怨言至是營兵馬文英劉廷用等構其黨擁訴於巡按御史張文熙且言春汛屆期例應防海若搭銅錢不便攜帶文熙好慰遣之善言遽出示曰餉減已定不願者聽其歸農次日兵遂大噪三司官往諭因圍繞不放行

文熙傳諭始釋而擁入撫廨縛善言以出痛毆之文熙率三司官吳憲及巡鹽御史孫旬等多方戒諭始解散歸善言文熙因劾善言撫馭乖方自貽羞辱至于營卒應嚴懲首惡以定人心時朝議以佳允才令代善言為巡撫佳允甫入境而抗民以行保甲故亦亂佳允問告者曰亂兵與亂民合乎曰未也佳允喜曰連驅之尚可離而二也既至民剽益甚佳允從數卒伴問民所苦下令除之衆益張夜掠富室火光燭天佳允召遊擊徐景星諭二營兵令討亂民自贖擒百五十人斬其三之一乃伴召文英廷用以冠帶而密囑景星捕七人并文英廷**質實**張佳允字肖甫用斬之二亂悉定帝優詔褒美**銅梁人初知滑縣劇盜高章者詐為緹騎直入官署刼佳允索帑金佳允包不發偽書募貸金悉署游徼名召入立擒賊由此知名由戶部主事累遷宣大巡撫時青巴圖已服其弟蒙固岱猶桀驁所部已哩掠塞外總兵官麻**

錦擒之佳允命錦縛已哩將斬而身馳赦之巴哩叩頭誓不敢犯邊因與總督鄭洛以計服蒙固岱入為兵部右侍郎張居正以為才故令代善言善言成安人張文熙臨挂人孫旬萊陽人

發明

善言減餉激變辦理固屬未善然兵丁敢于鼓噪入解縛毆巡撫則叛逆當誅此而不立

示重懲國法安在張文熙身為巡按御史僅以多方勸諭解散營卒曲示調停並未聞擒獲一人置之重典轉先劾巡撫神宗亦遂以此罷黜善言是適足以長亂兵之智矣杭民之亂未必非效尤而起設其時亂兵與亂民相合其患將不可收拾佳允權宜定變雖首惡伏誅而標兵習見巡撫之可以不靖何怪乎亂萌之日長也因

博斯呼寇義州李成梁擊斬之

泰寧部博斯呼與弟緯哈子布延圖入犯義州成梁設伏鎮夷堡參將李平胡射中博斯呼脅墜馬斬之寇大奔追截百餘級兆哈等慟哭去自是敵數入成梁等數敗之執斬其魁又時襲擊之于塞外敵少戢

質實

鎮夷堡在錦州府義州東北其東南有盤嶺可以按伏

夏四月京師旱疫

是月戊子朔詔諭禮部令民及時農桑毋事游惰及庚子以旱祈雨敕羣臣修省五日復以疫癘盛行死者甚衆勅太醫院官廣施藥餌出太倉銀振卹

寧夏土軍作亂旋討平之

寧夏靈州土軍馬景等作亂殺參將許汝繼屠其家巡撫都御史晉應槐討誅之時禮科給事中石應

岳上言浙江既標兵歐辱撫臣靈州復士卒屠戮參將四月末旬彗星出于五車雨澤愆期風霾蔽日人民疫死農務無依天異人變疊見可謂警戒矣惟陛下抑左右之專恣斥侍從之諛佞損燕私過度之樂罷營繕不急之工質實

石應岳龍巖人

彗星見

丙辰彗星見西北形如匹練尾指五車歷二十餘日始滅

夏五月免先儒後裔丁糧

從福建巡撫勞堪請也免先師孔子及宋儒朱熹李侗羅從彥蔡沈胡安國游酢真德秀劉子翬故大學士楊榮後裔各丁糧有差

賑畿內饑

戶科給事中顧問言順天等八府自萬歷八年雨暘愆期收成寡薄至九年十年恒暘禾稼枯槁是以民有菜色元氣重傷生者逃移死者枕藉真定大名一帶尤甚宜特加振卹并蠲免田租從之
質實
顧問湖廣
德化人

六月丁亥朔日有食之

賑太原平陽潞安饑

三郡大饑發庫貯及商稅銀并倉穀相兼賑濟

加張居正太師以前禮部尚書潘晟兼武英殿大學士

吏部侍郎余有丁兼文淵閣大學士並預機務晟尋罷

先是三月居正有疾求私宅票擬許之帝頻頒敕諭問疾出金帛為醫藥資至是四閱月不愈百官並齋醮為之祈禱南都秦晉楚豫諸大吏無不建醮帝命張四維等理閣中細務大事即家令居正平章居正始自力後億甚不能徧閱然尚不令四維等參之及病革乞歸上復優詔慰留會遼東奏捷加居正太師初居正以十二載滿加大傅明世文臣無真拜三公者有之自居正始已而居正自度不起乃薦晟及有丁自代晟素翕鄙不厭清議馮保素從受書彊居正薦之時居正已昏甚不能自主矣命下甫五日晟為言者交質實

潘晟新昌人余有丁字丙仲鄆人

張居正卒

帝愴悼輟朝諭祭九壇視國公兼師傳者贈上柱國
命四品京卿錦衣堂上官司禮太監護喪歸葬謚文
忠居正性深沈機警多智數為史官時嘗潛求國
家典故時務之切要者剖晰之遇人多所諮詢及攬
大政登首輔務尊主權課吏職信賞罰一號今帝亦
悉心聽納用李成梁戚繼光委以邊事南鹽累世負
固者次第遣將削平之力籌富國清郵傳核地畝故
神宗初政起衰振墮綱紀修明海內殷阜居正之力
也然其福衷多忌剛愎自用初入政府即以私憾廢
遼王好設成風六朝之長戚唯唯聽命至章疏不敢
斥名第稱元輔士大夫始舉以伊周漸進以五臣繼
竟擬之舜禹居正亦恬然居之居正卒餘戚尚在言
官奏事尚稱先太師方奪情時威權震主帝雖虛已
以聽而內顧不堪身死未幾遂遭削奪子孫並致禍
敗初帝在講筵讀論語色勃如也誤讀為背居正遽
厲聲曰當讀作勃帝悚然驚起同列皆失色由此帝

益心憚居正時比
之霍氏驟乘云

秋七月賑陝西饑

陝西平涼慶陽延安三府屬被災最重臨洮鞏昌
二府被災次重命以全陝積貯倉糧委官分賑

八月皇子常洛生

恭妃王氏出也帝御殿受賀頒詔大赦妃初為慈寧
宮宮人年長矣帝過慈寧私幸之有身故事宮中承
寵必有賞賚文書房內閣即記年月及所賜以為驗
時帝諱之故左右無一言者一日侍慈聖宴語及之
帝不應慈聖命取內起居注示帝且好語曰吾老矣
猶未有孫果男者宗社福也母以子貴寧分差等耶
是年四月封恭妃及是
遂生皇長子即光宗也

冬十月賑蘇松諸府災

蘇州松江諸府大水衝壞民居以千萬計漂流田禾十餘萬頃死者二萬人故有是賑并蠲免錢糧有差

十二月太監馮保以罪謫為奉御安置南京

初保內倚太后外倚張居正專擅威福帝有所賞罰非出保口無敢行者帝積不能堪然迫于太后居正不能去也及太后歸政居正又卒保失所倚然猶肆橫如故潘晟既罷保方病起詔曰我小恙遽無我邪皇長子生保欲封伯爵張四維以無故事難之擬庶弟姪一人都督僉事保怒曰爾由誰得今日爾負我御史郭惟賢請召用吳中行等保責其黨護謫之吏部尚書王國光罷保輒用其鄉人梁夢龍代之其私人錦衣指揮徐爵內官張大受等竊權如故然是時帝已積怒保東宮舊閹張鯨素害保寵謀去之其同

馮保與閹臣表裏為奸擅竊威

柄其惡已稔使
非張鯨浸潤密
授外廷雖列其
罪狀神宗亦未
必遽能動聽然
鯨之意在于移
寵故本願獲申
遂乃怙凶滋甚
蓋官整原無善
類其互相攘奪
原不過為罔上
行私一保去而
一保來盤結且
愈深固其後李
沂等抗論糾劾
神宗轉以為駕

事張誠向為保所惡斥于外至是復入兩人乃伺間
陳保過惡並發其與張居正交結狀請令保閒住帝
猶畏之曰若大伴上殿來朕奈何鯨曰既有旨安敢
復入會御史江東之首劾保黨徐爵帝下爵獄論死
御史李植遂列保十二大罪帝震怒遂誅保奉御南
京安置籍其家金銀百餘萬珠寶璫異稱是保之發
南京也太后問故帝曰老奴為張居正所惑無他過
行且召還時潞王將婚所需珠寶未備太后間以為
言帝曰年來無恥臣僚盡貨以獻張馮二家其價驟
貴也江東之并糾吏部尚書梁夢龍賂徐爵得官工
部尚書曾省吾吏部侍郎王篆皆被質實郭維賢字
論得罪去于是彈擊居正者紛起矣哲卿晉江
人王國光字汝觀陽城人梁夢龍字乾吉真定人李
植字汝培江都人曾起吾彭澤人王篆夷陵州人

復建言諸臣職

詞報復曲庇奸
閹社鼠城狐熏
灌已難為力况
從而假其聲勢
無怪醜孽之日
益繁滋也

以嚴清為吏部尚書

御史孫繼先言人君欲建久安長治之功必重直言
敢諫之士前日編修吳中行檢討趙用賢員外艾穆
主事沈思孝進士鄒元標各以張居正奪情一事建
言得罪至廷杖遣戍陛下豈不知諸臣無罪但以為
不如是不足以安居正之心頃因御史李植言斥馮
保則諸臣賜環不可稽遲矣至于忤觸居正如余懋
學趙應元傅應禎朱鴻模孟一脈王用汲等亦
當一體復用以開言路從之因併復郭維賢職質實
孫繼先字應甫孟縣人趙應元三原人
孟一脈東阿人王用汲字明受晉江人

清素著清望張居正當國清任刑部尚書不附麗居
正及籍馮保家得廷臣餽遺錄獨無清名帝深重之
會梁夢龍罷即以清代清日討故實辨官材自丞佐
以下皆親署無一倖進者中外師其廉儉書問幾絕

甫半歲
得疾歸
質實
嚴清字公直
雲南後衛人

改薊鎮總兵官戚繼光于廣東

戚繼光擢于兵
法且在薊鎮年
久邊防修舉克
著成效豈得謂
之不宜于北即
張居正前此與
之商榷使無掣
肘實由繫恨國
事而非跡涉私
交不但不可以
罪繼光並不可
以罪居正乃言
路惟知許居正
秉鈞往事遂爾

繼光在薊鎮十六年當國大臣徐階高拱張居正先後倚任之居正尤事與商榷動無掣肘故繼光益發舒及是居正歿甫半歲給事中張鼎思言繼光不宜於北閣臣擬旨遽調之廣東繼光悒悒不得志赴粵踰年即謝病歸居三年卒繼光更歷南北並著聲在南方戰功特盛北則專主守邊防修舉繼之者踵其成法數十年得無事所著紀效**質實**張鼎思長洲人新書練兵實紀談兵家遵用焉明史藝文志戚繼光紀效新書十四卷練兵實紀九卷

癸未
十一年春正月飭嚴邊備

過事吹求妄加
抨擊凡所獎進
悉欲一切中傷
之聞臣輒以鼎
思一言遂移繼
光遠地止國運
一時私意全不
計國家禦侮需
才總由神宗阿
柄下移諸臣得
任情舉措安得
不日底蕩亡乎

京師風靈靈臺奏主邊兵因
飭兵部今各邊將慎加防備

閏二月帝如天壽山謁陵

免所過田租是秋九
月復如天壽山謁陵

三月追奪張居正官階

馮保既得罪新進者益務攻居正詔奪上柱國太師
再奪謚斥其子錦衣衛指揮張簡修為民居正諸所
引用者斥削殆盡吳中行趙用賢等還官有差

夏四月張四維罷

初四維曲事張居正然心不善其所為居正卒四維
始當國政知中外積苦居正欲大收人心因上疏言

事請蕩滌煩苛宏敷惠澤帝納其言朝政為之稍變
四維復引居正所沈抑者稍稍登用時望頗屬至是
以父喪歸先是居正餘黨欲逐四維擁中時行為首
輔四維溫語時行客曰夫首相者若天行有春必有
夏何相迫為時行得疾在告及起不敢謝過默默而
已四維乃與門生在言路者謀攻時行疏具將上會
四維父訃至乃已四
維歸後服將闋而卒

以許國為禮部尚書兼東閣大學士預機務

張四維既去中時行為首輔國
素與時行善由是政府無間
質實許國字維楨歙縣人

致仕武英殿大學士徐階卒

階里居後為高拱所厄及拱罷始得安帝之元年階
年已八十詔遣行又存問賜璽書金幣至是卒贈太

師諡文貞階以恭勤結主知立朝有相度保全善類
嘉隆之政多所匡救間有毒蛇亦不失大節方嚴嵩
初罷階以三語榜于直廬曰以威福還主上以政務
還諸司以用舍刑賞還公論由是票擬公之同列言
路亦益發舒當時
翁然稱階為名相

五月我

太祖高皇帝起兵征尼堪外蘭克圖倫城

初長白山之東有布庫哩山山下有池曰布勒瑚哩
相傳有天女三長曰思古倫次曰正古倫季曰佛庫
倫浴于池有神鵲銜朱果置季女衣取而吞之遂有
身尋產一男生而能言體貌奇異及長母告以故命
以愛新覺羅為姓名曰布庫哩雍順以小舫乘之令
順流而下至河步登岸端坐其地有三姓方構兵或

汲于河見而異之歸語衆人往觀詢知所由來皆驚曰此天生聖人也遂迎昇至家三姓者議曰我等盡息爭推此人為主以女百里妻之奉為貝勒其亂乃定于是布庫哩雍順居長白山東郭謨輝之野郭多理城國號曰滿洲實為我朝開基之始數傳後有名樊察者以國人弗靖遁于荒野追者將及之有神鵲止其首追者疑為枯木遂得免後傳至

肇祖原皇帝

興祖直皇帝

景祖翼皇帝

顯祖宣皇帝

相繼嗣興威服諸部

景祖居赫圖阿拉地兄弟六人築城分居號寧古塔貝勒時

有望氣者言滿洲將有聖人出戡定衆亂統一諸國繼而

顯祖嫡妃喜塔喇氏以明嘉靖三十八年己未歲誕生

太祖高皇帝天表非常勇畧蓋世號為聰睿貝勒時諸部爭奪不已

太祖恩威並用漸次削平會蘇克素護河部圖倫城有尼堪外蘭者陰搆明總兵李成梁引兵攻古呼城主阿泰

景祖長子禮敦巴圖魯之女章京阿泰妻乃

景祖聞警恐女孫被陷偕顯祖往救先後入古呼城城中守禦甚堅成梁不能克尼堪

外蘭說往招撫城中人信其言殺阿泰以降成梁盡屠之遂并害

景祖顯祖

太祖聞之赫然震怒往詰責明邊吏明人尋歸二祖喪至是

太祖年二十有五思復祖父讐乃

顯祖遺

甲十三副起兵征尼堪外蘭于圖倫城尼堪外蘭遁于甲版遂克其城而歸既而復進征甲版城尼堪外

太祖尋

蘭乃逃于鄂勒歡地築城以居復進克鄂勒歡城尼堪外蘭遁入邊

太祖遣

齋薩率四十人索之邊吏執以界齋薩遂斬之而歸自此歲輸銀幣通和好焉

質實

長白山在吉林烏拉城東南山高二百餘里橫亘千餘里山上有潭曰闔門周八十里源深

流廣鴨綠混同愛濤三江之水出焉東自寧古塔西至奉天府諸山皆發脈于此尼堪外蘭築鄂勒歡城在是年八月執斬尼堪外蘭在丙戌年

發明

臣等伏覩史牒所載自古帝王莫不以開創艱難勤勞締構而承

皇穹付畀奄受萬方仁義兼施德威並濟得天下之正從未
有盛於我

天造有邦 朝者也洪惟

龍興東夏靈源肇誕朱果開祥於是長白營居曼珠錫號
神奇勦蹟實與生民元鳥同昭瑞應之符嗣

世德重光邁時篤慶
皇天眷顧始集大命于我

太祖高皇帝聰明智勇遐邇景從值明政不綱釁生疆吏
因釋憾於阿泰章京狡焉潛逞

太祖高皇帝赫然震怒以一旅徂征罪人斯得而明人不
思輸平尋約尚復包藏禍心

太祖高皇帝爰仗義執詞底明之罪以七大恨告於
上帝

天助有德師克在和明人四路出兵掃如隕籜遂戡遼定
藩光宅大東乃

聖度同天猶不欲究我兵威貽書講好以冀其悔悟迨我
太宗文皇帝繼承鴻緒以明人固有悛心

親御

六軍觀兵畿甸前戈所指堅壘咸摧明人僅保都城勢同累卵然且垂成弗取抑銳班師是則我之有造於明者甚大洎明社既屋禍起潢池復因吳三桂迎請

世祖

大兵入關掃清京輦剪殘鯨鯢為之報讐雪恥章皇帝乃定鼎燕京追崇諡號守護陵園其加禮於

聖朝

創業凡舉動之光明正大允為夙絕前古而國倫一勝國者至優極厚

興王之

役義問昭宣實開億萬年祚謹依通鑑輯覽之例特筆恭載自後

隆猷

顯烈

與明紀相涉者無不次第備書用以闡釋

神謨

昭垂奕禩是不獨非漢唐以來所克比擬萬一即殷

周嬪代慙德猶滋者又豈可相提而並論哉

六月賑湖廣災

湖廣承天漢陽鄖陽襄陽四府各罹水患因命巡按御史等動支布政使司庫錢糧并撥隣近府縣所貯銀與倉穀相兼分行賑卹

冬十月賑河南災

河南商水等四十四州縣水災分別賑卹有差

十一月己卯朔日有食之

十二月慈寧宮災

慈寧宮火太后移居於乾清宮命百官修省三日給事中萬象春言保身節用二事御史丁此呂言慎舉動宏聽納正典刑去倖位訓近侍五事俱報聞

質實

萬象春字仁甫無錫人丁此呂字右武新建人

甲申十二年春二月京師地震

丁卯京師地震有聲
至五月京師復地震

釋建文諸臣外親之謫戍者

御史屠叔方疏言成祖有練子寧若在朕猶當用之
之語今既褒表忠魂建祠致祭其墳墓苗裔厚加恤
錄而姻黨猶蔽覆益如江西胡潤一族赤矣內親盡
矣猶抄解外甥分戍若此者不一而足乞查前項姻
戚有在戍者並有還鄉部議願回者放回不願回者
給與免帖詔自齊泰黃子澄外其坐方孝孺等連及
者俱免之於是浙江江西福建四川廣東得免者凡
三千餘人至光宗時併泰子澄戚屬後裔亦俱放還
質實

屠叔方秀水
籍平湖人

夏四月籍張居正家

御史羊可立復追論居正構陷遼王王妃因上疏訟
寃言居正強占欽賜田產遼邸金寶萬計悉入居正
家帝命司禮監張誠及侍郎邱橐等往荆州籍居正
家守令先期錄人口錮其門子女餓死者十餘輩誠
等盡發其諸子兄弟藏得黃金可一萬白金十餘萬
長子禮部主事敬修不勝拷掠自縊死事聞申時行
等與六卿大臣合疏請少緩之刑部尚書潘季馴復
特疏言居正母年逾八旬旦暮莫必其命語尤激楚
於是詔留空宅一所田十頃贍其母而盡削居正官
奪璽書詔命以罪狀示天下謂當剖棺戮屍而姑免
之其弟都指揮居易子編修嗣修俱戍極邊諸以忤
居正罷黜者俱召還初言路為居正所抑至是爭礪
鋒銳搏擊當路可立與李植江東之並荷帝寵三人
更相結亦頗引吳中行趙用賢沈思孝為重執政惡

之末幾御史丁此呂劾侍郎高啟愚主南京試以舜亦以命禹為題為居正勸進帝手疏示申時行時行言此呂以曖昧陷人大逆恐讒言踵至非清明之朝所宜有尚書楊巍因請出此呂于外植東之交章劾時行巍蔽塞言路帝為罪啟愚留此呂時行巍求去余有丁言大臣國體所繫今以羣言留此呂恐無以安時行巍心帝乃聽巍出此呂于外許國尤不勝憤專疏求去言昔之專恣在權貴今乃在下僚昔顛倒是非在小人今乃在君子意氣感激偶成一二事遂自負不世之節號召浮薄喜事之人黨同伐異罔上行私其風漸不可長意蓋指中行用賢等也自是言官與政府日相水火矣

質實

羊可立汝陽人

高啟愚銅梁人
楊巍海豐人

騰衝遊擊劉綬討平隴川賊

初緬酋莽瑞體以兵服諸蠻遣人招隴川宣撫多士
寧士寧不從而記室岳鳳方用事欲降緬遂誘士寧
而配之并殺其妻子奪金牌印符受瑞體偽命代士
寧為宣撫既而瑞體死子應裏嗣鳳導之入寇窺騰
越永昌諸處已陷順寧指揮吳繼登等戰死事聞詔
以緦為騰衝遊擊鄧子龍為永昌叅將提兵往討當
是時迤西諸部皆叛以兵助緬進逼姚關勢甚盛會
緦子龍兵至諸土兵亦大集緦與子龍大破之攀枝
花地乘勝追擊先後斬首萬餘鳳大懼乃令妻子及
部曲來降緦責令獻金牌符印及蠻莫孟密地而分
兵趨沙木籠山先據其險自領大兵馳入隴川鳳度
無可脫遂詣軍門降時諸部蠻視鳳為向背緬亦依
鳳為心腹鳳既降諸部俱殺緬使來歸緦率兵進緬
直抵阿瓦應裏退走阿瓦酋猛勾詣緦降猛勾應裏
從父也遂班師獻俘于朝鳳伏誅緬甸在雲南西
南嘉靖中孟養木邦酋攻殺緬酋莽紀歲分有其地

紀歲子瑞體奔匿洞吾母家既長遂有其地洞吾之
南有大古喇濱海與佛郎機隣古喇酋兄弟爭立瑞
體和解之因德瑞體爭割地為獻受其約東瑞體乃
舉衆絕古喇糧道殺其兄弟盡奪其地諸蠻皆畏服
之遂復入緬陷鳳密併孟養勢益強於是木邦蠻莫
諸部皆叛附之岳鳳者江西人行賈隴川驍傑多智
多士寧妻以妹使為記室鳳媚士寧而奪其權至是
遂誘殺之鳳亦伏誅未幾緬復熾進據孟養蠻莫官
軍戰却之巡撫陳用賓築八關于騰衝列兵戍守募
人至暹羅約夾攻緬久之緬為暹羅所困勢頓衰然
近緬諸部仍服屬騰衝衛在騰越州城南本騰
之終明世不能復質實騰衝衛在騰越州城南本騰
年改置騰衝衛順寧本蒲蠻地元置府明仍為府以
甯通等州縣省入今因之姚關在甸灣土州北接順
甯界攀枝花地名在姚關南
阿瓦城名為緬中五城之一

冬十月余有丁卒

有丁自七月以疾在告十月再以病乞休不允遂卒

十二月以王錫爵為禮部尚書兼文淵閣大學士王家屏為吏部侍郎兼東閣大學士並預機務

錫爵因救論奪情諸臣積忤張居正以禮部侍郎家居五年不出至是即家起之家屏前為日講官數奏劉摯帝敍客受之稱為端士及是遂以吏部侍郎入閣去史官僅二年先是李植江東之與申時行相構以錫爵負時望且素惡居正當與時行貳故力推質之比錫爵至乃與時行合弗善植等植由是大恨質

實

王家屏字忠伯大同山陰人

以陳獻章胡居仁王守仁從祀孔廟

申時行等言守仁言致知出大學良知出孟子陳獻章言主靜沿宋儒周敦頤程顥且孝悌出處如獻章大章功業如守仁純心篤行如胡居仁並宜從祀從之終明世從祀文廟者薛瑄與守仁等四人先是隆慶元年都御史徐枋等言王守仁陳獻章宜從祀給事中趙思誠等言二人不宜從祀其後御史詹事請上言明興二百年來諸儒聿興直肩斯道若薛瑄王守仁陳獻章其最著者也今瑄已入祀而守仁獻章格于議而不得與夫守仁之功烈文章獻章之處大節雖其言良知言主靜若近于偏枯顧言知而未始廢行言靜而未嘗離動合一之功與宋大儒之論同歸一致宜以守仁獻章並從祀于是申時行等議上以居仁亦宜並祀詔以三質實餘千人居仁聞人並從祀孔廟列于薛瑄之次

吳與弼講學崇仁往從之游絕意仕進其學以主忠信為先求放心為要聞修自守布衣終其身

乙酉十三年春二月旱大雩

京師自去年八月不雨至于三月庚午大雩三月甲申復大雩

三月山西地震

先是二月南京地震至是山西山陰縣地震旬有五日乃止

李成梁襲巴圖爾綽哈大破之

巴圖爾欲報父博斯呼之怨偕從父綽哈姑塔呼達糾西部伊勒敦等以數萬騎入掠瀋陽既退駐牧遼河欲犯開原鐵嶺成梁與巡撫李松潛為浮橋濟師踰塞百五十里疾掩其帳寇已先覺整衆迎戰成梁

為壘陣親督前陣擊而松以後陣繼之斬首八百有奇五月敵犯瀋陽伏精騎塞下誘官軍遊擊韓元功追襲之敗死至秋諸部長復犯蒲河而西部伊勒敦亦窺遼瀋成梁命部將李平胡出塞三百五十里搗破伊勒敦營斬首一百八

質寶

鐵嶺遼銀州明置鐵嶺衛今為鐵嶺縣屬

奉天府蒲河在奉天府承德縣西北明置千戶所于此今廢李松大城人巴圖爾舊作巴土兒呼達舊作花大伊勒敦舊作以兒鄧又作銀燈今並改

以尚寶少卿徐貞明領墾田使督治京畿水田

初貞明為給事中嘗請興西北水利言神京雄據上游兵食宜取之畿內今皆仰給東南豈西北古稱富彊地而不足以實廩而練卒乎夫賦稅所出括民脂膏而軍船夫役之費常以數石致一石東南之力竭

水田雖間可行
于西北然亦惟
平流灣渚者始
可引為灌溉之
資非若東南之
隨地可施溝畦
也蓋水利之興
必先順水土之

矣又河流多變運道多梗竊有隱憂聞陝西河南政
渠廢堰在在有之山東諸泉引之率可成田而畿輔
諸郡或支河所經或澗泉自出皆足以資灌溉北人
未習水利惟若水害不知水害未除正由水利未興
也蓋水聚之則為害散之則為利今順天真定河間
諸郡桑麻之區半為沮洳由上流諸河之水惟泄于
貓兒灣欲其不汎濫而壅塞勢不能也今誠于上流
疏渠濬溝引之灌田以殺水勢下流多開支河以泄
橫流其淀之最下者留以潴水稍高者皆如南人築
圩之制則水利興水患亦除矣至于永平灤州抵滄
州慶雲地皆荏葦土實膏腴元虞集欲于京都濱海
地築塘捍水以成稻田若做集意招徠南人俾之耕
藝北起遼海南濱青齊皆良田也宜特簡憲臣假以
事權毋阻浮議需以歲月不取近功或撫窮民而給
其牛種或任富室而蠲其科征或選擇健卒分建屯
營或招徠南人許其占籍俟有成績次及河南山東

性南方土性橫
故拖水能行北
方土性立政涉
水而入且南方
港汊濶潤洩易
演迤抱注政易
為力然未聞舉
長江大澤悲緒
以浸彼稻田也
若北地水勢湍
悍盈涸無常且
多係輿流獨貫
雖支河宣洩止
能殺其漫溢之
威而堤堰防遏
之餘洪沙亦惟

陝西庶東南轉漕可減西北儲蓄常充國計永無絀
矣疏入時以財匱不能舉會御史傅應禎建言廷杖
下獄貞明入獄視之坐貶太平府知事被謫南行次
潞河著潞水客談一書論水利當興者十四事兵部
尚書譚綸見之謂其必可行于是貞明召還為尚寶
丞矣工科給事中王敬民薦之會巡撫張國彥等方
開水利于薊州永平間有效遂如貞明尚寶司少卿
兼監察御史領墾田使令遍歷郊關與撫按等官講
求疏濬蓄之法貞明先詣永平募南人為倡及明
年二月己望三萬九千餘畝又遍歷諸河周覽水利
分合將大行疏濬而閩人勲質實
戚之占田者爭言不便乃罷
分置灤州明亦曰灤州屬永平府今因之慶雲隋無
棣縣明永樂初避諱改曰慶雲縣屬河間府之滄州
今屬天津府徐貞明字孺東貴溪人潞水客談畧曰
西北之地旱則赤地千里澇則洪流萬頃惟雨暘時

聞宜麥槩欲蓄
陂塘以收餘穡
乃必不然之事
也元時虞集首
倡水田之議而
未收其效已為
明驗徐貞明乃
欲遍青徐遼海
盡起良田實未
能審形度勢至
其潞水客談所
載非不娓娓可
聽而修舉未聞
臚陳大利紙上
空言仍不離乎
書生迂濶之見

若庶幾樂歲無饑此可常恃哉惟水利興而後旱澇
有備利一也中人治生必有常稔之田以國家之全
歲獨待哺于東南豈計之得哉水利興則餘糧棲畝
皆倉庾之積利二也東南轉輸其費數倍若西北有
一石之入則東南省數石之輸久則蠲租之詔可下
東南民力庶幾稍甦利三也西北無溝洫故河水橫
流而民居多沒修復水田則可分河流殺水患利四
也西北地平曠寇騎得以長驅若溝洫盡舉則田野
皆金湯利五也游民輕去鄉土易于為亂水利興則
農業者依田里而游民有所歸利六也招南人以耕
西北之田則民均而田亦均利七也東南多漏役之
民西北雁重徭之苦以南賦繁而役簡北賦省而徭
重也使田墾而民聚則賦增而北徭可減利八也沿
邊諸鎮有積貯轉輸不煩利九也天下浮戶依富家
為佃客者何限募之為農而簡之為兵屯政無不舉
矣利十也塞上之卒土著者少屯政舉則兵自足可

以省遠募之費。黠班戍之勞。停勾攝之苦。利十一也。宗祿浩繁。勢將難繼。今自中尉以下量祿之田。使自食其土。為長子孫計。則宗祿可減。利十二也。修復水利。則做古井田。可限民名田。而自昔養民之政。漸可舉行。利十三也。民與地均可做古比閭族黨之制。而教化漸興。風俗自美。利十四也。時戶科給事中蕭彥疏言。水田之利。其不可不成者有四。而不可不審議者亦有四。國家定鼎燕京。轉漕東南。水利既興。昔取諸東南。今取諸堂奧之外也。不可不成者一也。西北有水。利則東南可以息肩。而漕輓之費所省又多。不可不成者二也。敵利于騎。不利于步。溝洫有制。是不牆而堵。不兵而衛也。不可不成者三也。昔也曠莽。今也蕃育。生聚教訓。安邊長利。不可不成者四也。然西北之不諳水田也舊矣。驅而為之。緩之則無濟于事。急之則有戾於民。是人情之議也。不可不審者一也。墾田之夫。每邑不下千人。派之民。邪以為厲矣。徵之

江南邪千里齋糧遠赴田作有望而走耳是墾田之
夫之議也不可不審者二也臣彥往閱邊於寧夏古
稱塞北江南也又素有水田藉漢唐二渠不煩微力
然往往就荒驅之領田如赴湯火又嘗閱邊於甘肅
有先撫臣楊錦者為墾田之議而軍不願種乃分派
各堡另墾卒無成功此邊人之習也墾田百萬法當
給五萬人若曰自領之而自墾之脫無領者將不墾
之乎是領田之戶之議也不可不審者三也沿邊無
種曠土軍民利而私種之久矣墾而為田勢必起科
能欣然就邪至于廣野有沙壓之虞水濱有泛溢之
慮但一相度可知已是起科之議也不可不審者四
也王敬民河南西華籍應天句容人張國彥邯鄲人

夏四月京師旱大雩

帝步禱于南郊面諭大學士等曰天旱雖由朕不德
亦天下有司貪婪剥害小民以致上千天和今後宜

慎選有司乃詔中外理冤抑免天下被災田租一歲
先是李植等疏劾尚書潘季馴朋奸罔上詔削季馴
籍擢植太僕少卿江東之光祿少卿羊可立尚寶少
卿至是御史蔡系周以早上疏劾植且言陛下欲雪
枉而刑部尚書之枉先不得雪今日之旱蓋實由植
所稱尚書謂季馴也于是東之抗疏求罷可立復代
為植辯給事御史齊世臣吳定等交章劾質實蔡系
之帝報曰朕方憂旱諸臣何得紛爭乃已質實周華
客人齊世臣南昌人吳定安陽人

秋七月雷震郊壇

震郊壇廣利門及齊宮
門傷獸吻詔羣臣修省

八月京師地震

九月彗星見

彗星出羽林傍形如彈九尾長尺許指東北每夕移東行芒漸小

閏九月賑鳳陽淮安災

漕折銀例不准留至是以二府重地留漕賑濟

帝詣大峪山閱壽宮

先是十一年帝謁山陵用禮部尚書徐學謨言將卜壽宮于大峪時李植以巡按御史扈行閱視謂其地未善欲與江東之疏爭不果既而帝于十二年再往臨視遂作宮於是年八月既興役矣植以壽宮有石中時行與學謨姻故主之可用是罪也乃與東之羊可立合疏上言地果吉則不宜有石有石則宜奏請

改圖乃學謨以私意主其議時行以親故贊其成非
大臣謀國之忠時行奏辯曰車駕初閱時植東之不
言今已二年忽創此議其借事傾臣明甚帝責三人
奪俸半歲未幾復以王錫爵言貶三人官然猶以植
言壽宮有石恐寶座將置于石上至是復
親詣閱之終謂大峪吉遂調三人于外

質實

徐學謨字

叔明蘇州府嘉定人

冬十一月禮科給事中王三餘請帝親郊不從

三餘疏言郊祀必躬親載之會典乃者秋七月雷震
郊壇恭繹德音宣示臣工共圖修省今歲似宜親郊
以答天戒代攝之舉未可以為常疏入
帝以其奏請不早詰責之仍遣官代

質實

王三餘安平人

戊戌十四年春二月冊鄭氏為皇貴妃

周官大事從長
小事專達特為
服官課績而言
若諫官職司獻
替則據事披陳
宜務申自靖之
義古稱臺無長
官正為政府副
封力杜門戶惡
習也時行逆揣

質實

鄭氏大興人帝初年入宮
封貴妃至是進為皇貴妃

三月禁部曹言事

鄭貴妃有殊寵生子常洵遂進封而王恭妃生皇長
子已五歲不益封中外藉藉疑帝將立愛戶科給事
中姜應麟言欲別嫌明微莫若冊立元嗣為東宮以
定天下之本帝怒貶應麟廣昌典史吏部驗封司員
外郎沈璟亦疏請立儲謫行人司司正大學士申時
行率同列再請建儲不聽時帝以旱霖下詔求直言
郎官劉復初李懋檜等顯侵貴妃時行請帝下詔令
諸曹建言止及所司職掌聽其長擇而獻之不得專
達帝甚悅之于是言者蠶起皆指斥宮闈
質實姜應
攻擊執政帝概置不問門戶之禍大起
麟字
泰符慈谿人沈璟吳江人劉復初
高陵人李懋檜字克蒼安溪人

上指今諸曹不得專達聽其長擇而獻之是不惟啟黨援之漸且愈滋錫敵之奸卒之預不進御則是言者明知披覽弗親益可譎張為患且藉以攻擊異已而盜名立勢無所忌憚何異楊湯止沸哉

夏四月京師地震

癸酉寅刻震有聲申時行等奏曰恒陽不雨陽亢也地震弗寧陰縱也願祇天戒恤民艱慎起居修政事

報聞

六月松茂番平

松茂諸番列砦四十八歲為吏民患王廷瞻撫蜀時嘗遣將擊破丟骨人荒沒舌三砦諸酋乃降故事諸番歲有賞賚番要索無已其所索例有新班錢熱衣錢架梁錢躑草錢放狗錢掛綵錢斷酒錢等名廷瞻一切除之西陲稍靖僅六七年勢復猖獗十三年夏楊柳番入犯金瓶堡殺守將巡撫維蓮遣總兵官李應祥討定之番恃強剽如故會徐元泰代蓮撫蜀使使檄諭番不應是年春復攻蒲江關守將出擊賊稍

解東南路始通元泰決計大征遣遊擊周于德邊之
垣總兵郭成參將朱文達等將諸路兵進討命應祥
居中節制應祥令軍中各樹赤白幟一良民陷賊者
徒手立赤幟下熟番不附賊者徒手立白幟下即免
罪者雖多遇急不能相救官軍連破河東河西諸賊
巢擒賊渠三十餘人焚碉房千六百有奇俘馘以千
餘計至是班師明年又討破建昌諸番及邛部屬夷
以其地置屏山縣蜀中劇寇盡平應祥由是成名甚
著是役也將士三路夾攻諸軍得所積稞粟留十
日盡焚其砦自是羣番震驚不敢為患邊人樹碑紀
績嘉靖初邊之垣祖輪以指揮討茹兒賊被殺漆
其頭為飲器及是六十年之垣乃得之以還葬焉質
實松茂諸番惟丟骨人荒沒舌三砦最強金瓶堡在
四川龍安府松潘廳南蒲江關亦在松潘廳南今
曰鎮江關邛部漢越舊郡地後周置邛部郡元為邛
部州明廢州置衛隸行都司今寧遠府越舊廳屏山

蜀漢置馬湖縣明為馬湖府治萬歷十七年置屏山縣屬馬湖府今屬叙州府王廷瞻字稚表黃岡人雖遵字道行涇陽人李應祥湖廣九谿衛人徐元泰宣城人

秋七月飭嚴保甲

是夏振直隸河南陝西及廣西潯柳平樂廣東瓊山等十二縣饑是月賑江西災時山西盜起河南淇縣賊王安聚眾流劫尋勦平之勅戶兵二部令各撫按官查災重地方蠲賑招撫并申嚴保甲緝捕盜賊

質實 平樂荔浦縣三國吳置平樂明屬廣西平樂府瓊山唐置縣屬瓊州府淇縣漢朝歌縣元置臨淇縣至元三年省臨淇縣為淇州明改曰淇縣屬衛輝府今並因之

九月王家屏罷

家屏遭繼母憂詔
賜銀幣馳傳歸

冬十月杖禮部主事盧洪春於廷削其籍

帝累詔稱疾郊祀廟享多弗躬親禮部主事盧洪春
上言陛下連日以疾免朝享廟遣官恭代若真疾邪
則當以宗社為重毋務為豫樂以基禍若非疾也則
當以詔旨為重毋務為矯飾以起疑疏入帝大怒傳
諭內閣數百言責洪春悖妄命擬旨治罪閣臣擬奪
官不從廷杖六十斤為民給事御史先後申救奪俸
有質實盧洪春字思
差仁東陽人

十一月祀南郊

還御皇極
殿受賀

丁亥十五年春正月賑宗室

宗室懷仁王府奉國將軍充煥奏各宗貧窘可憫狀
帝因命發帑賑給戶部因請陝西河南山東山西歲
大凶照懷仁質實明太祖第十三子桂封代桂第
府一體賑給八子分封懷仁六傳至充煥

三月詔徹哩克襲封順義王

初諳達死徹辰汗襲至是徹辰汗死子徹哩克襲其
妻三娘子即諳達所奪之外孫女而為婦者也歷配
三王主兵柄為中國守邊保塞諸
部畏服之帝嘉其功封忠順夫人
質實徹哩克襲作
汗即歡台吉改名舊
作乞慶哈今並改

夏四月旱

命百官

祈雨

京師地震

是夏五月代州振武衛雁門所太
原陽曲徐溝交城同日俱地震
質實振武衛在代
洪武中置在代州北四十里雁門守禦千戶所在雁
門關明洪武七年置屬振武衛今屬代州治在州西
二十里

六月京師大雨

京師災荒疊見水電橫擊大雨如注官民牆
屋所在傾頽溺壓死者無算命順天府賑卹

秋七月江南水江北海山西北河南山東旱

時所在告災河北尤甚山西陝西河南山東並旱蠲賑有差戶部右侍郎孫丕揚上言黃河以北饑民食草木陝西富平蒲城同官諸縣至于食石石出三縣山中臣得自目見謹取二斤伏候聖覽今海內困加派宜寬賦節用損上益下以培蒼

質實

同官後周置縣明屬耀州

生大命帝感其言頗有所減罷
今屬西安府孫丕揚字叔孝富平人

河決開封

河南開封等府陝州靈寶等州縣七月初十等日靈雨黃河泛漲衝決隄防漂没人畜工料給事中常居敬請敕河南山東凡有河道地方各令巡道督理埽築壩補隙塞決明立賞罰晝夜併工務俾安瀾毋貽漕患

質實

常居敬江夏人

八月敕撫按官懲貪吏理冤獄

以災沴頻仍有司貪墨刑獄多
冤命各撫按官舉察所屬官吏

九月丁亥朔日有食之陰雲不見

山西地震

蒲州安邑解州同
日地震聲如雷

質實

解州五代漢乾祐初置明
屬平陽府今為直隸州

南京都察院右都御史海瑞卒

初瑞自應天巡撫謝病歸高拱張居正相繼當國俱
憚瑞峭直中外交薦卒不召及居正卒吏部始擬用
累逮南京右都御史瑞力矯偷情百司惴恐屢疏乞
休不允至是卒僉都御史王用汲入視之葛幃敝簞

有寒士所不能堪者因泣下醵金為斂小民罷市喪
出江上白衣冠送者夾岸酹而哭者百里不絕贈太
子太保諡忠介瑞平生為學以剛為主
自號剛峯天下識與不識咸稱剛峯先生

戊子十六年春三月詔改景泰實錄去邸戾王號

國子監司業王祖嫡言建文之革除未復景泰之附
錄未正今宜復建文位號修輯四年事蹟盡廢野史
不經之說其景泰宜自為一錄削邸戾舊名疏下羣
臣議於是申時行奏言建文年號因成祖靖難之日
詔今年仍以洪武三十五年為紀其建文年號相傳
以為革除及考靖難事蹟亦稱少主稱元年二年三
年四年則是未嘗革除也但不稱建文耳英宗實錄
修于成化初年在景皇帝位號未復之先故仍稱邸
戾王而景泰七年事遂附英宗實錄之內今景皇帝
位號已復不過於實錄內改正其理順而事亦易於

是乃詔改正景泰實錄然是時上下偷惰詔
敦多不奉行景泰實錄終明世未嘗改也
質實王祖

嫡德

州人

南畿浙江山西陝西河南大饑疫

起前尚書潘季馴為右都御史總督河道

季馴前為李植所劾落職為民御史李棟上疏訟之
曰隆慶間河決崔鎮為運道梗數年以來民居既奠
河水安流咸曰此潘尚書功也昔先臣宋禮治會通
河至于今是賴季馴功不在禮下乃當身存之日使
與編戶齒寧不隳諸臣任事之心失朝廷報功之典
其後論薦者不已遂起季馴右都御史總督河道自
吳桂芳後河漕皆總理至是復
設專官尋加季馴工部尚書
質實李棟磁州
涉縣人

夏四月賑大名開封諸府饑

北直隸大名河南開封等府水旱相仍餓殍載道發歸德米價銀暨直隸存留銀賑之又截留漕糧二萬石發給鳳陽淮安揚州滁州四府州平糶賑饑

五月以軍儲倉火詔修省

諭禮部雷火燒倉廩軍糧草束乃國之至要者今天下災傷重大民窮時艱上天示警宜痛加修省是時山陝河南江浙南直諸處並告災困諸司撫輯賑救之疏日上而訖無奇策故有是命

發明

神宗之朝災異疊見史不勝紀而修省之詔亦時時屢下茲十六年各省災傷之見於志

傳者不一書非第以軍儲倉火已也其因天警而飭修省亦未為非是第側身修行之旨徒託諸空

文幾若尺一既頒而應天之事已畢至諸司撫輯賑救之疏交章以陳君若臣漫無良策惟恃此詔以共鑒白於中外臣民則此意已足以致災尚何修省之有

六月京師地震

秋八月壬午朔日有食之

冬十二月杖給事中李沂于廷斥為民

中官張鯨掌東廠橫肆無憚御史何出光劾鯨專擅威福并及其黨錦衣都督劉守有序班邢尚智尚智論死守有除名鯨被切讓而任職如故御史馬象乾復劾鯨詆執政甚力帝下象乾詔獄申時行等力救且封還御批不報許國王錫爵復各申救乃寢前命而鯨竟不罪外議謂鯨以金寶獻帝獲免沂拜官甫

一月上疏曰陛下往年罪馮保近日逐宋坤鯨惡百保而萬坤奈何獨濡忍不去若謂其侍奉多年則壞法亦多年謂痛加省改猶足供事則未聞可馴虎狼使守門戶也流傳鯨廣獻金寶多方請乞陛下猶豫未忍斷決中外臣民初未肯信以為陛下富有四海豈愛金寶威如雷霆豈狗請乞及見明旨許鯨策勵供事外議藉藉遂謂為真虧損聖德夫豈淺鮮且鯨奸謀既遂而國家之禍將從此始臣所大懼也是日給事中唐克欽亦具疏諫帝獨手沂疏震怒謂沂欲為馮保張居正報讐立下詔獄嚴鞠時行乞宥不從讞上詔廷杖六十斥為民御批至內閣時行等欲留御批中使不可持去帝特遣司禮張誠出監杖時行等上疏俱詣會極門候進止帝言沂置貪吏不言而獨謂朕貪謗誣君父罪不可宥太常卿李尚智給事中薛三才等抗章論救俱不報國錫爵以言不見用引罪乞歸錫爵言廷杖非正刑祖宗雖間一行之亦

未有詔獄廷杖并加于一人者故事惟盜賊大逆則有打問之旨今豈可加之言官帝優詔慰錫爵卒不聽其言初馮保獲罪實鯨為之故帝云然或謂張誠與鯨交惡授意言者攻之其時周宏禴潘士藻皆以忤鯨得罪而沂禍為烈家居十八年

質實

李沂字景

魯嘉魚人

未召而卒光宗嗣位贈光祿少卿何出光扶溝人馬象乾廣東連州籍江西泰和人唐堯欽福建長泰人薛三才浙江定海人周宏禴字元孚麻城人官順天府通判以劾張鯨謫代州判官潘士藻字去華婺源人由推官擢御史上言今天下之患莫大於君臣之意不通宜倣祖制及近時平臺暖閣召對故事面議所當施罷撤大工以俟豐歲蠲織造以昭儉德免金花額外征以佐軍食且時召講讀諸臣間以經史張鯨激帝怒謫為廣東布政司照磨

己丑十七年春正月己酉朔日有食之

以日食免元旦朝賀嗣後每元旦皆不視朝矣

三月免陞授官面謝

自是臨御遂簡

夏四月召王家屏復入閣

先是家屏輔政秉正持法至是毋憂服甫闋詔進禮部尚書遣行人召還抵京師三月未得見家屏以為言帝遣中官慰家屏獎以忠愛家屏疏謝請帝視朝居數日帝為一御門延見自是益深居不出矣

五月西寧衛地震

是月辛亥西寧衛天鼓質實西寧衛元西寧州屬甘肅行省明置衛今為甘

殺官而謝不特為感激之恩禮節應爾且可因名對咨詢衛人村而重官守也神宗罷免此制特欲遂其高居簡出之私而下情竟成否塞甚至王家屏以閣臣起用三月雖希一見僕僕疏請始為御門延接譬之元首股

脉血脉不相貫
注其人尚可望
其無疾乎明之
亡于神宗非
過論也

肅西
寧府

六月廬州鎮江地震

賑南畿浙江饑

南畿久旱太湖水涸浙江大風海
溢既而亦旱發帑金八十萬賑之

秋七月福建浙江地震

福建福州興化二府浙江杭
州紹興溫州三府地皆震

庚十八年春正月召見申時行等于毓德宮斥大理評

事雒于仁為民

言官是白果當
自應加之采擇
若其營私沽直
亦宜明正厥罪

于仁疏上酒色財氣四箴直攻帝失疏言臣備官歲
餘僅朝見陛下者三此外惟聞聖體違和一切傳免
郊祀廟享遣官代行政事不親講筵久輟臣知陛下
之疾所以致之者有由也臣聞嗜酒則腐腸戀色則
伐性貪財則喪志尚氣則戕生陛下八珍在御觴酌
是耽卜晝不足繼以長夜此其病在嗜酒也寵十俊
以啟倖門溺鄭妃靡言不聽忠謀擯斥儲位久虛此
其病在戀色也傳索帑金括取幣帛甚且掠問宦官
有獻則已無則譴怒李沂之瘡痍未平而張鯨之資
賄復入此其病在貪財也今日榜宮女明日扶中官
罪狀未明立斃杖下又宿怨藏怒于直臣如范偁姜
應麟孫如法輩皆一絀不申賜環無日此其病在尚
氣也四者之病膠繞身心豈藥石所能治臣今敢以
四箴獻陛下肯用臣言即立誅臣身臣雖死猶生也
疏入帝震怒將加嚴譴會歲暮留其疏十日及是元
旦召見中時行等分析之時行請毋下其章而諷令

以傲官邪雄于仁指斥神宗四病頗為切中持其詞意畧為過激耳時行身秉國成乃不為劄悉陳之專務模稜欲使言者自去在神宗既未悟直言之當受即于仁亦不知忠告之有方於君臣兩無裨益徒使奏牘留中釀成敝政卒致瘵痺日深浸尋

于仁自引去遂斥為民自此章奏留中遂成故事是日帝宣皇長子出見時行請早定大計帝猶豫久之乃曰朕不喜激聒近聞諸臣所奏惡其離間父子故緊置之若諸臣不復奏擾當以後年冊立否則俟皇長子十五歲舉行時質實維于仁字少經涇陽人十行因戒廷臣毋瀆擾質實俊時有十小閹被寵謂之十俊范雎字國士高安人以疏陳時政被斥孫如法字世行餘姚人以諫鄭貴妃進封貶官

二月罷日講

帝每遇講期多傳免申時行請免講日仍進講章以備觀覽自後講筵遂永罷

順德地震

直隸順德府地震星隕如火隱隱如鼓聲

不起病雖自致
而庸醫之誤時
行輩實預有責
焉

三月以宋纁為吏部尚書

纁前為戶部五年值四方多災酌盈虛籌緩急上下
賴之及移吏部絕請託獎廉抑貪痛懲黷吏于政府
一無所闕白屢乞休不允卒于官諡忠敬初石星
代纁為戶部語纁曰某郡有羨餘可濟國用纁曰朝
廷錢穀寧積久不用勿使搜括無餘主上知物力充
羨則侈心生矣星憮然或有言漕糧宜改折者纁曰
太倉之儲寧紅腐不可匱絀一旦不繼何所措手乎
中外陳奏帝多不省或直言指斥輒曰此沽名耳亦
不加罪于慎行稱帝寬大纁愀然曰言官極論得失
要使人主動心縱罪及言官上意猶有所儆省槩置
勿問則如痿
痺不可療矣

直隸山東河南風霾

直隸大名府諸處狂風自西北起白晝晦冥天色忽赤忽黑山東兗州府諸處黑風揚沙壞城樓廨宇廬舍傷男婦五人河南開封彰德衛輝歸德等處風霾亦自西北起拔木傷稼天氣黑赤刀鎗上俱起火光壞城郭廬舍壓溺死者三百六十餘人

代州星隕

乙卯夜初更一星墜聲如雨光如燭有頃天鼓聲如雷庚申有火星自東南帶火流于西北

夏六月青海酋浩爾齊犯邊

自諳達西掠諸番番人不支輸款焉諳達遂數入番中至是套部章圖哩等據水塘布色圖浩爾齊等據莽拉崩恭兩川而浩爾齊尤點桀數犯甘涼岷洮西寧間已而進圍舊洮州副將李聯芳戰歿未幾復大

掠河州臨洮渭源官軍禦之敗績西陲大震時徹哩克勢衰亦為布色圖等所誘西行遠邊帝惡之詔停

市質寶

水塘青海地名莽拉爾恭皆洮水支流隨地易名舊洮州即古洮陽城在洮州衛西南城

臨洮水李聯芳洵陽人浩爾齊舊作大落赤章圖哩舊作莊禿賴布色圖舊作卜失土莽拉舊作莽刺

聶恭舊作捏

工今並改

秋七月庚子朔日有食之

命兵部尚書鄭維經畧邊防

維前督宣大軍撫順義王及忠順夫人有恩故用之維以洮河之難由縱敵入青海所致乃馳詣甘肅下令曰北部自青海歸巢者聽假道自巢入青海者即勒兵拒之未幾巴什圖欲趨青海維設伏掩擊之已

什圖僅以身免章圖哩後至聞之亦退去于是大布
招番之令歸附者日衆乃進兵青海遂浩爾齊諸部
而諭齊里克縛獻首叛踰二年齊質實鄭雄字禹秀
里克以史二等來獻命復其市賞安肅人撫順
義王及忠順夫人有恩初三娘子佐諸達主貢市諸
部皆受其約束及上海襲封年老且病欲妻三娘子
三娘子不從率衆西走上海自追之貢市久不至雄
計三娘子別屬則上海雖王無益乃使人語之曰夫
人能歸王不失恩寵否則塞上一婦人耳三娘子聽
命上海更名車臣汗貢市惟謹雖以功加兵部尚書
兼右副都御史十四年車臣汗死子齊里克當襲三
娘子以年長自練兵萬人築城別居雄恐貢市無主
復諭齊里克曰夫人三世歸順汝能與之匹則王不
然封別有屬也齊里克盡逐諸妾復妻三娘子遂以
明年嗣封並奏封三娘子忠順夫人雄乃上疏請定
馬數宣府不得踰三萬大同萬四千山西六千而申

飭將吏嚴備以防盜竊且無輕過其部落馳獵帝嘉納之青海初詣達建寺青海奏于朝賜名仰華至是齊里克以赴仰華為名西至青海諸部皆挾以為重史二中國叛人

冬十月賑臨洮軍民

以臨洮被兵賑之

辛卯十九年春三月彗星見

見于西北長尺餘歷胃室壁長二尺至閏三月入婁

夏四月朔享太廟

是後廟祀皆遣代

六月山西地震

太原府五臺交城縣並地震

質實

五臺漢慮虎縣隋大業初改曰五臺因山以名明屬太原府代

州今屬代州直隸州

王錫爵罷

錫爵初還朝申時行為首輔許國錫爵次之三人皆南畿人錫爵又與時行同郡且同舉進士政府相得甚然時行柔和而錫爵性剛負氣十六年于衡舉順天試第一郎官高桂饒仲論之錫爵連章辯訐語過忿桂仲皆得罪以是積與廷臣忤時羣臣請建儲者衆帝皆不聽十八年錫爵疏請豫教元子錄用言官姜應麟等不報遂因旱災自陳乞罷帝優詔留之及浩爾齊犯邊議者爭請用兵錫爵與申時行主款失

帝意未幾又偕同列請建儲不質實饒仲字仰之進賢人論王衡舉

得尋以母老連疏乞歸許之
順天試第一時庶子黃洪憲典順天鄉試時行壻李鴻亦預選桂摘可疑者八人并及衡請俱覆試禮部侍郎于慎行列甲乙以上閣臣調旨盡留之衡字辰玉少有文名為舉首才自稱因被論遂不復會試至二十九年錫爵罷官已久始舉會試第二人廷試亦第二授編修黃洪憲字懋忠嘉興人

秋畿內蝗

七月甘肅廣西地震

西寧星隕

西寧衛等處
星隕天鼓鳴

松江廳

松江太倉等處廳風
大作海嘯壞屋害人

九月申時行許國罷

先是廷臣爭請建儲得旨于二十年春舉行至是工部主事張有德預以儀注請帝怒奪有德俸時申時行方在告許國與王家屏處事中變欲因而就之引前旨爭首列時行名時行聞帝怒密疏言臣方在告實不與知給事中羅大紘劾時行陽附廷臣請立之議陰為自交宮掖之謀欽人黃正賓者以貨為中書舍人思立奇節自附清流見大紘疏亦抗章詆時行帝怒斥大紘正賓為民時行力求罷而國與家屏又以建儲請帝責大臣不當與小臣比遂罷國未幾時行亦罷國素與時行無嫌然性木強遇事輒發力詆

申時行許國因
議論齟齬遂各
令門生露章奏
劾以逞心報復
均乖大臣公正
之道至申許計

籌邊事主款固不如主勦識見高下自是判然當時乃以兩人去位之故妄形軒輊轉不得據為定論獨是時行承張居正振厲之後不能效美規隨惟一切務為苟且馴致上下恬熙廢弛日甚紀綱遂以無存其寬大固循之失實無可解免而朝論轉

言事諸臣士論頗不附浩爾齊犯邊時行主款國獨謂寇渝盟犯順宜一大創之帝心然國言以時行方柄政不能奪會時行門生給事中任讓論國庸鄙而國門生萬國欽又論時行以圖報復至是國與時行並罷論者謂國之去以爭執差勝于時行之以被劾去也初張居正卒時行與張四維相繼當國時行欲以寬大收人心召用老臣布列庶位朝論多稱之然政令務承帝旨不能有所匡正又罷居正所行考成法一切務為簡易由是上下恬熙法紀漸不振國質在閣九年廉慎自守故累遭攻擊不能被以汙名

實

張有德祥符人羅大紘字公廓吉水人萬國欽字二愚新建人

以趙志臯為禮部尚書張位為吏部侍郎並兼東閣大學士預機務

亟稱之可見末
流風尚大半皆
庸庸無識者居
多耳

申時行既謝政密薦志臯位自代遂用之吏部尚書
陸光祖言舊制閣臣必由廷推若令一人密薦恐開
植黨之門志臯位
因疏辭帝不允

發明

申時行以被劾乞歸或恐有媒孽其後者因
薦所知趙志臯張位自代考志臯與位既入

閣後亦無卓然表見之勲業時行之密為引進固
不無植黨樹援之意然謂必由廷推亦非確論明
代用人特重此典部臣邊將率皆由此擢選繼乃
輔贊機務亦皆附之公舉以附于枚卜合同之義
而伐異黨同從此樹立門戶甚至各扶私人忿爭
朝宁弼諧亮功之謂何曷思進退人才當一秉諸
乾斷庶太阿之柄不至下移密
薦廷推二者皆不能無流弊耳

冬十一月遼東總兵官李成梁罷

十七年以後土默特結西部數入寇將弁多戰殁成
梁又潛兵出塞襲敵遇伏死者千餘人仍報首功增
爵廕敵再入海州成梁不敢擊縱掠數日而去是年
閏三月成梁乘給事中侯先春閱邊謀邀搗巢功遣
副將李寧襲破板升還師遇敵死者又數千為巡按
御史胡克儉所劾及先春還朝尤力詆之遂罷成梁
官以寧遠侯先春無錫人
伯奉朝請質實胡克儉光山人

御定資治通鑑綱目三編卷二十七

欽定四庫全書

御定資治通鑑綱目三編卷二十八

起壬辰明神宗萬曆二十年盡
辛丑明神宗萬曆二十九年 凡十年

壬辰二十年春正月杖給事中孟養浩除其名

時在廷力爭國
本舉國若狂惟
李獻可疏請豫
教其語尤為近
理士庶之子未
有年適幼學而
不就傳者況皇
子元良之重顧

時禮科都給事中李獻可偕六科諸臣疏請豫教言
元子年十有一矣豫教之典當及首春舉行倘謂內
庭足可誦讀近侍亦堪輔導則禁闥幽閒豈若外朝
之清肅內臣忠敬何如師保之尊嚴疏入帝大怒摘
疏中誤書弘治年號責以違旨侮君貶一秩調外餘
奪俸半歲于是六科給事中鍾羽正舒宏緒陳尚象
丁懋遜張棟吳之佳楊其休葉初春及御史鄒德泳
各具疏救俱譴責有差而養浩疏有五不可之語帝

不使典學親師
而日與閹宦為
伍所損實多神
宗惑于內寵于
養正育德之義
概置不問何怪
乎光宗身處危
疑全無動忍一
臨御而不能自
主也

愈怒謂養浩疑君惑衆命錦衣衛杖之百削籍為民
是時斥諫官十一人朝士莫不駭歎然言者卒未已
禮部員外郎董嗣成御史賈名儒陳禹謨
給事中李周策等先後論諫咸被譴責
曰獻可甫躋禮垣驟議鉅典一字之誤本屬無心乃
遽蒙顯斥臣愚以為有五不可元子天下本豫教之
請實為宗社計陛下不惟不聽且從而罰之是坐忍
元子失學而敝帚宗社也不可者一長幼定序明旨
森嚴天下臣民既曉然諒陛下之無他矣然豫教冊
立本非兩事今日既違回于豫教安知來歲不游移
于冊立是重啓天下之疑不可者二父子之恩根于
天性豫教之請有益元子明甚而陛下罪之非所以
示慈愛不可者三古者引裾折檻之事中主能容之陛
下量倖天地奈何言及宗社大計反震怒而摧折之
天下萬世謂陛下何如主不可者四獻可等所論非
二三言官之私言實天下臣民之公言也今加罪獻

可是所罪者一人而實失天下人之心不可者五祈
陛下收還成命並行豫教孟養浩字義甫湖廣咸寧
人李獻可字克俞同安人鍾羽正字叔廉益都人舒
洪緒通山人陳尚相都勻人張棟字伯任崑山人吳
之佳長洲人楊其休青城人葉初春吳縣人鄒德泳
字汝聖安福人董嗣成烏城人賈名儒真定人陳禹
謨仁和人李
周策吳江人

三月布拜據寧夏反

布拜西布人嘉靖中得罪其酋長父兄皆見殺布拜
伏水草中得免來降屢立戰功屢陞都指揮至帝即
位之十七年布拜老加副總兵致仕子承恩襲十九
年洮河告警帝遣科臣巡九邊尚寶丞周宏禴以御
史往寧夏舉成恩及指揮王文秀併布拜義子布延
等布拜雖告老居恒多蓄蒼頭軍聲稱報國會經畧

鄭洛撒夏鎮調發巡撫党馨奉檄遣文秀率千騎西
援布拜驚曰文秀雖經戰陳恐不能獨將乃詣洛轄
門願以所部三千人與子承恩從征洛壯而許之馨
惡其自薦馬羸者不與易有餘馬亦不給布拜怏怏
去至金城見諸鎮兵皆出其下賤平馳還取徑塞外
寇騎遇之皆辟易遂有輕中外心恣睢驕橫党馨每
裁抑之且欲覈布拜冒糧罪而以承恩強娶民女為
妾蓄之二十布延文秀又以陞授事怨馨會鎮戍請
冬衣布花月糧久勿給坐營江廷輔請給銀以安衆
心馨曰此有挾而求漸不可長彼不畏族乎軍鋒劉
東陽拔撫署前鹿角作忿狀布拜嘆之曰若輩任為
之遂羣哄不可制東陽者靖虜衛人素梟桀有異志
于是糾黨晨入帥府白事總兵張維忠素鮮威望為
衆所輕見衆驚懾不能彈壓衆露刃執副使石繼芳
擁入軍門党馨急匿水洞索得刦至書院同繼芳戮
之遂縱火焚公署收符印釋囚掠城中刦張維忠以

侵糧激變報殺遊擊梁琦守備馬承光維忠自縊死
東賜遂自稱總兵聽布拜主謀據城刑牲而盟授承
恩許朝左右副總兵土文秀布延左右叅將扶慶王
代請贖罪承恩乃勒兵分遣王虎何安等據城偃會
總督尚書魏學曾行部花馬池聞變遣標下張雲部
寵諭降東賜曰必欲我降依我所自署授官世守寧
夏不者與套騎馳潼關也承恩徇玉泉營遊擊傅垣
拒守千戶陳繼武執垣降徇中衛及廣武叅將熊國
臣棄城匿河西望風靡惟土文秀徇平虜叅將蕭如
薰堅守不下賊率兵渡河欲取靈州又齎金帛誘套
部珠爾圖等許以花馬池一帶
質實
寧夏中衛明洪
聽其駐收勢甚猖獗全陝震動
武三十二年置
隸陝西都司靖虜衛明正統二年置隸陝西都司後
改隸固原鎮平虜千戶所在寧夏衛北百六十里明
洪武中置所城周四里有奇今平羅縣屬寧夏府廣
武營在寧夏衛西南百七十里與中衛接界周宏禴

字元孚麻城人党馨蓋都人慶王帥鉉憲王仲域子時憲王妃方氏匿帥鉉地窖中妃自經死府中人皆被殺賊平方氏建祠旌表魏學曾字惟貫涇陽人蕭如薰字季馨延安衛人如薰妻楊氏總督尚書兆之女也謂如薰曰若為忠臣妾何難為忠臣婦盡出簪珥勞軍士妻帥之守城賊攻圍數月竟不能破布拜舊作時拜布延舊作時雲珠爾圖舊作著力免今並改

王家屏罷

王家屏身為閣臣果知李獻可敗謫之非自當正言婉諫乃前此緘默無語及御批既下竟爾

李獻可之謫家屏封還御批力諫帝怒家屏引疾乞罷帝責家屏希名託疾家屏復奏言名非臣所敢棄臣所希者陛下為堯舜之君臣為堯舜之臣則名垂千載沒有餘名若使臣不希名將身處高官家享厚祿主愆莫正政亂莫匡國家奚賴焉更使臣棄名不顧逢迎為悅阿諛取容許敬宗李林甫之姦佞無不

封還不受實為
非體夫絲綸宣
布奉行自有成
規若不能匡救
于未形而顯然
抗違詔旨則臣
志日專而主威
日替其弊有不可
勝言者厥後科
臣效尤竟視封
駁為常事刑賞
大柄幾不能操
之自上積習鋼
蔽國事遂漸以
淪胥明社之墟
蓋其紀綱固已

可為矣帝益不悅遣內侍至其邸責之于是求去益
力詔馳傳歸家屏柄政止半載以戇直去國朝野惜
焉

夏四月總督河道尚書潘季馴罷

季馴四任治河前後二十七年習知地形水勢以借
水衝沙築隄束水為河漕蕪利之策下至木石橋埽
綜理纖悉以勞疾累疏乞休不允至是泗州質實泗
大水與撫按議濬治不合得請歸後三年卒
大水時城中水三尺患及陵寢議者或欲開傅寧湖
至六合入江或欲濬施家溝周家橋入高寶諸湖或
欲開壽州瓦埠河以分淮水上流或欲弛張福隄以
廣洩淮之口季馴謂祖陵王氣不宜輕洩而巡撫周
宋陳于陞巡按高舉謂周家橋在祖陵後百里可疏
濬議不合都給事中楊其休請允季馴去因得請歸

季馴于嘉靖四十四年總理河道與朱衡共開新河隆慶四年河決邳州雖寧再理河道塞決口萬歷六年河決崔鎮復命季馴代吳桂芳治之十六年復起總理河道凡四任治河

五月倭陷朝鮮

倭酋平秀吉起人奴初隨倭闕白信長為信長畫策奪二十餘州會信長為其下所弑秀吉遂統其兵自號闕白刼降六十餘州窺朝鮮無備分遣行長清正等率舟師從對馬島過釜山鎮時朝鮮兵久不習戰其王李昫又酒酒廢弛島夷猝至望風皆潰棄王城奔平壤令次子彈攝國事已復走義州七月倭遂入王京刼王子陪臣掠府庫八道幾盡沒旦暮渡鴨綠江請援之使絡繹于道廷議以朝鮮為國藩蔽所在必爭遣行人諭昫以興復大義揚言大兵且至而倭業抵平壤遊擊史儒等率師至戰死副總兵祖承訓

援之僅以身免中朝震動乃詔兵部右侍郎宋應昌
經畧備倭軍務以救之八月倭入豐德等郡兵部尚
書石星計無所出議遣人偵之于是嘉興人沈惟敬
應募惟敬者市中無賴也是時平秀吉次對馬島分
其將行長等守要害惟敬至平壤執禮甚卑行長始
曰天朝幸按兵不動我亦不久當還當以大同江為
界平壤以西盡歸朝鮮耳惟敬以聞廷議以倭詐難
信趣應昌進兵而石星頗惑其言假惟敬遊擊赴軍
前且請質實關白倭國官名猶言丞相對馬島方輿
金行問紀要日本國海曲部有伊岐對馬多藝
三島為北境盡處釜山在朝鮮東萊縣南濱大海與
日本對馬島相望義州在平壤西北濱鴨綠江八道
京畿江原黃海全羅慶尚忠清咸鏡平安豐德郡在
朝鮮國城南屬京畿道大同江在平壤城東亦名大
通江平秀吉薩摩州人
宋應昌字桐岡仁和人

秋七月免陝西逋賦

時以寧夏賊未滅防患當預全陝錢糧自十四年至十八年一切舊欠帶徵盡行蠲免

八月詔天下督撫舉將材

令各省督撫官招選將材不必拘數務得真才濟用無以虛文塞責仍嚴舉主賞罰之令

九月寧夏賊平

先是三月副總兵李昫奉魏學曾檄攝總兵進剿統遊擊吳顯超靈州別遣遊擊趙武張奇扼賊南渡轉戰獲賊于正等八人舟十八艘賊鋒少挫昫乃分兵渡河先後收復營堡四十七惟寧夏鎮城猶為賊據會套部齊里克圖等控弦三千騎至賊益掠城中子女媚之奉以河東西地圖套人聲言已與布拜為一家

布拜文秀並易服合兵攻玉泉急布彥引齊里克圖
攻平虜堡蕭如薰伏兵南關佯敗誘之入伏兵射布
彥死套部遁出塞昫督六路兵抵鎮城下賊東北二
門各出精騎二千搏戰步卒列火車為營官軍銜鋒
奪火車百餘輛追奔入河賊溺死者無算四月調麻
貴為副總兵帝復用石星言賜學曾尚方劍督戰御
史梅國楨薦李如松忠勇可任遂令如松總寧夏兵
國楨為監軍又詔寧夏巡撫朱正色甘肅巡撫葉夢
熊協力赴之正色渡河督戰葉夢熊從甘州攜神礮
火器四百車至更約法並徵苗兵會浙江巡撫常居
敬募浙兵千人自辦糗糧詔嘉其忠調赴寧夏于是
分為五軍董一奎攻其南牛秉忠攻其東李昫攻其
西劉承嗣攻其北而麻貴率遊兵策應並逼城下布
拜自北門出戰意欲自往勾套部麻貴率叅將馬孔
英先登赴敵逐布拜入城擒斬百十七人先是布拜
與套部深相結日夜從齊里克圖帳中商計調度至

是入城不得出套部不得布拜亦不敢復渡河深入
國楨如松統遼東宣大山西兵膚集軍聲大振賊嬰
城自守國楨樹受降旗于城南然賊勢無降意六月
癸丑官軍用布袋三萬盛土填集登城為礮石擊却
都司李如樟夜半以雲梯上南城翼日遊擊龔子敬
提苗兵攻南關如松乘勢欲擁入城皆為礮箭擊却
是夜指揮趙承光葛臣戚欽武生張遐齡百戶姚欽
約為內間夜半四面烽火並舉城下兵趨上而樵樓
火蚤發南火弗起城中果鼓譟大呼殺賊欽使遐齡
縋城召外兵行未中道欽復亟跳城下呼救而賊早
覺已盡縛趙承光戚欽等殲之然自是城中糧且盡
銳氣益喪矣七月給事中許子偉劾總督尚書魏學
曾惑于招撫罷秩被逮葉夢熊代之賜劍如故遂定
議水攻寧夏城西北卑下且與金波三塔諸湖之水
相近東南逼觀音湖新渠紅花渠形如釜底遂遠城
築隄長千七百丈決河以灌先是布拜遣養子克呼

該出求援于齊里克圖松訶知狀追斬之并其從騎
二十九級獲符令箭已而套部伏圖賴與巴什圖合
部落三萬先犯定邊小鹽池別遣宰桑以萬騎從花
馬池西沙湃口入為布拜聲援麻貴等分擊之遊擊
龔子敬力戰死然套部竟解散去賊援絕官軍乃決
大壩水八月朔城外水深八九尺東東西崩百餘丈
賊數出兵來擾多被斬獲城中饑民擁賊求招安九
月己未叅將楊文將浙兵至苗兵莊浪兵俱至後五
日水浸北關城崩南關薛永壽等約內應官軍陽調
舟筏擊北關承恩許朝果趨北關慶戰李如松蕭如
薰潛以銳卒掩南關總兵牛秉忠年七十賈勇先登
遂畢登夢熊入城勞苦百姓承恩等見南關下氣盡
奪乃急總張傑下城懸貸死夢熊陽許諾益治攻具
先遣王機密以蠟書行間時承恩雖求撫猶據其大
城堽門斷墅守益固有賣油李登者跛而眇負罌歌
于市曰癰之不決而狃于痛危巢不覆而令梟止監

軍梅國棋聞之曰是可使也召登授三劄縛木渡東門見承恩曰監軍以布拜有安塞功今與鼠輩駢首并誅深用惜之軍中非乏所使以登殘民不駭視有密計授將軍將軍幸有意聽登則殺劉許自贖即不聽願死麾下承恩猶豫許之登趨而出間道詣東暘朝亦各致劄曰將軍奈何與人嬰禍且鎮卒幾何能當都督軍此無異驅乳雀而鬪羣鶴所恃不過套援不記演武臺上彼目中豈有將軍哉所為貴智者以能審時度勢轉禍為福也東暘朝亦心動自此互相猜疑官軍圍愈迫東暘朝遂誘殺承恩黨土文秀承恩亦與其黨周國柱誘東暘朝殺之開門降于是李如松楊文先登蕭如薰麻貴劉承嗣繼之一城遂定北樓火起李如棹馳往搜獲寧夏巡撫關防并征西將軍印承恩方馳南門謁監軍梅國棋出參將楊文執之李如松急提兵圍布拜家布拜方與牛秉忠飯聞承恩擒秉忠趨出衆欲拒敵如松給箭令卸甲布

拜倉皇繼闔室自焚李如樟部卒何世恩從火中斬
布拜首生得布拜中子承寵等總督葉夢熊巡撫朱
正色御史梅國楨隨入城問慰宗室士庶寧夏平俘
承恩等至京師磔于市學曾被逮不一月而賊平敘
勞復其官致仕葉夢熊朱正色梅國楨各予世廕李
如松蕭如薰等加恩有差先是學曾欲招劉東陽
許朝使殺布拜父子贖罪遣卒葉得新往學曾留固
原十日以俟之得新旋被害帝責學曾玩寇時李昫
渡河又稍遲官軍再失利學曾前上疏請令監軍無
與兵事帝為飭國楨如其言國楨頗憾之及國楨至
軍勅諸將觀望而頗以玩寇為學曾罪又言北寇數
萬斷我糧道殺戮無算學曾匿不以聞帝遂怒逮學
曾至京學曾逮而水決城壞諸將畢登上捷奏夢熊
正色國楨各廕世官如松功第一學曾任事勞勩灌
城招降之策本其所謀及宣捷大學士趙志皋張位
力為學曾解國楨亦上疏言學曾應變稍緩臣請責

重資格而輕武
途自是故明陋
習自張居正振
飭邊備假以事
權稍有起色隆
萬之間如譚綸
俞大猷戚繼光
輩頗能以功名
自顯然文武本
自殊科果其將
畧克嫻自足克
敵致果若依附

諸將以振士氣而逮學曾之命發自臣疏竊自悔恨
學曾不早雪臣將受萬世譏如松亦言學曾被逮時
三軍兩泣夢熊亦推功學曾帝不聽既而復官居家
數年卒蕭如薰時以功授世廕妻楊氏亦被誣如薰
為將持重後更歷七鎮所在見稱自隆慶後款市既
成烽燧少警輦下視鎮帥為外府山人雜流乞朝士
尺牘往者無不饜所欲薊鎮戚繼光有能詩名尤好
近文士傾貲結納取足軍府如薰亦能詩士趨之若
鶩賓座常滿妻楊氏繼妻南氏皆貴家女至脫簪珥
供客猶不給軍中悉苦之如薰莫能却也一時風會
所尚諸邊物力**質實**金波湖在寧夏府北三塔湖在
為耗識者歎焉寧夏府東北三十里觀音湖在
寧夏府西北九十三里紅花渠在寧夏府南五里沙
湃口在寧夏府西北李剛倅在寧夏府平羅縣南麻
貴大同右衛人梅國棟字克生麻城人李如松字子
茂成梁子朱正色南和人葉夢熊字男兆歸善人許

文墨專以緩帶
輕裘雅歌投壺
為尚其流弊猶
有極耶繼光如
薰以詩名延納
賓士甚且用軍
府之資揮霍無
忌其得免債帥
之誅幸矣一時
艷稱風會豈堪
復問

許子偉瓊山人 克呀
該舊作克力蓋今改

冬十月以李如松提督薊遼保定山東軍務充防海禦

倭總兵官救朝鮮

如松弟如栢如梅並率師援勦以十二月至軍會沈
惟敬自倭歸復伸封貢之請如松叱惟敬儉邪欲斬
之參謀李應試曰藉惟敬給倭封而陰襲之奇計也
如松以為然乃置惟敬于營誓師渡江明年正月次
肅寧館行長以為封使至遣牙將來迎進次平壤城
長猶未覺竚風月樓以待如松分布諸軍抵平壤城
諸將遂巡未入形大露倭悉登陴拒守如松令諸軍
圍之以倭素輕朝鮮軍令祖承訓詭為其裝伏西南
令遊擊吳惟忠攻迤北牡丹峰而如松親提大軍攻
其東南軍少却如松斬先退者以徇募死士援鉤梯

直上倭方輕南面軍承訓等忽卸裝露甲倭大驚急分兵捍拒如松如栢等已分道並入如松馬斃于礮易馬躍塹而上麾兵並進遂克其城行長渡大同江遁已而如栢復開城所失四道並復官軍既連勝有輕敵心朝鮮人有以敵已棄王京遁告者如松信之將輕騎趨碧蹠館猝遇倭圍之數重如松幾不免官軍喪失甚多乃退駐開城如松令諸將分據要害聞倭積粟數十萬在龍山乃密遣死士焚之倭遂乏食然如松既敗衄氣大索應昌亦即欲休息于是沈惟敬封貢之議復行其年四月倭以糧盡棄王京如松與應昌入城將遣兵尾擊之而倭步步為營官軍不敢擊倭結營釜山為久留計時兵部尚書石星力主款議獨留劉綎拒質實肅寧館在平壤西北開城屬守如松乃班師質實朝鮮京畿道碧蹠館在朝鮮國城西龍山在朝鮮國城東南李如栢字子貞如梅字子清皆成梁子

癸巳

二十一年春正月召王錫爵復入閣

錫爵至密請建儲以踐大信帝手詔欲待嫡子令元
子與兩弟且並封為王錫爵懼失上指立奉詔擬旨
進又外慮公論因言漢明帝馬后唐明皇王后宋真
宗劉后皆養諸妃子為子請令皇后撫育元子而生
母不必崇位號以上壓皇貴妃亦擬旨進帝竟下前
諭令有司具儀于是舉朝大譁禮部尚書羅萬化給
事中史孟麟等詣錫爵力爭廷臣諫者章日數上錫
爵偕趙志皋張位請追還前詔帝不從既而諫者益
衆岳元聲顧允成等十餘人遞錫爵于朝面爭之錫
爵請下廷議不許請面對亦不報因自劾求罷帝亦
迫公議追寢前命命質實兩弟謂神宗第三子常洵
少俟二三年舉行鄭貴妃生第五子常浩周
端妃生羅萬化字一甫會稽人史孟麟字際明宜興
人兵元聲字之初嘉興人顧允成字季時無錫人

夏六月詔天下每歲夏月錄囚減釋輕繫

刑部奏犯法愚民何處不有而冤民亦何處不有請
于巡按每歲審錄外再立澄清囹圄之法師兩京會
審之規為撫按會疏之例方春時和每歲聽兩直隸
十三省各撫按官會行所屬問刑衙門各審部內輕
重囚犯按察司居省會即審省會之囚守巡道有分
土即審各道之囚皆親身巡行不得調審州縣為諸
囚累不得委審守令除情真罪當照舊監候其中有
死罪矜疑軍徒杖笞情可原宥者許各詳撫按撫按
會疏以請疏期勿過夏月輕罪徑自發落重罪聽部
覆務使歲歲力行處處清審庶天下郡縣無一不結
之囚
從之

秋七月吏部尚書孫鏞罷

銓曹舉職惟在
守法奉公使胥
吏不能高下其
手庶得守官之
正若史所稱選
人之權或歸之
政府或散諸九
卿一似攘奪轉
移惟勢是視此
復成何政體至
卿寺大僚久應
簡在帝心列名
上請猶為循用
舊典乃當日孫
鑑等大計專擅
去留不稟上裁

初張居正當國吏部權漸輕及宋繡陸光祖相繼為
尚書稍自振飭至鑑守益堅閣臣張位等欲奪其權建
議大僚缺九卿各舉一人類奏以聽上裁鑑爭之不
能得自是吏部權又漸散之九卿矣會大計京朝官
鑑與考功郎中趙南星力杜請謁員外郎呂允昌鑑
甥也首斥之南星亦斥其姻給事中王三餘一時公
論所不予者貶斥殆盡而大學士趙志皋弟預馬王
錫爵以首輔還朝欲有所庇比至而察疏已上庇者
皆在黜中由是閣臣皆憾會言官論劾員外郎虞淳
熙郎中楊于庭主事袁黃鑑議留淳熙于庭給事中
劉道隆遂劾南星專權植黨貶南星三秩鑑亦奪俸
遂連疏乞休去左都御史李世達以己同掌察上疏
為南星訟不聽于是僉都御史王汝訓右通政魏允
貞等交章論救而員外郎陳泰來言尤切帝怒斥南
星為民泰來
質實
孫鑑字文仲熾之孫趙南星字夢
白高邑人呂允昌餘姚人虞淳熙

而張位等又欲以大缺各舉所知俾九列皆參其議蓋由明季君臣睽隔官職之賢否茫然莫辨轉不得不以魁柄授人深可歎也

欽定四庫全書

卷二十八

杭州右衛人楊于庭全椒人袁黃嘉善人劉道隆潛江人李世達字子成涇陽人王汝訓字古師聊城人魏允貞字懋忠南樂人陳泰來字伯符平湖人

彗星見紫微

七月三日己卯彗星見東井二十三日乙亥逆行入紫微垣犯華蓋星大學士王錫爵密奏臣連夜仰觀乾象見彗星已入紫微垣臣聞古帝王祿彗之法或改張新政或更用新人一切以除穢布新為義若彗入紫微垣王者之宮則其咎乃在君身必非區區用人行政之間所能消弭竊惟天子之象曰帝星太子之象曰前星臣以為方今禳彗之第一義無過早行冊立之典

冬十一月召見王錫爵于煖閣

皇太后生辰帝御門受賀畢獨召錫爵煖閣勞之曰卿扶母來京誠忠孝兩全錫爵叩頭對曰臣今日正恐忠孝兩虧因力請早定國本帝曰中宮有出奈何對曰此說在十年前猶可今元子已十三尚何待況自古至今豈有子第十三歲猶不讀書者帝頗感悟錫爵因復言外廷以固寵陰謀歸之皇貴妃恐鄭氏舉族不安惟陛下深省帝心益動未幾遂有出閣之命

甲午二十二年春二月皇長子常洛出閣講學

時已十四歲帝手諭閣臣令議出閣講學禮儀免御門受賀用輔臣侍班詞臣六人侍講讀俱如東宮儀大學士王錫爵言皇長子出閣輔臣每日一員侍班此雖隆慶年新例但天顏尚不得時覲而于皇長子進見頻數似涉嫌疑請自初講二日以後間十日輪侍從之錫爵又請帝時御講筵俾皇長子隨嚴父之

後型範益親啓
沃自效矣不報

遣使賑河南饑

先是河南大雨五穀不升給事中楊東明繪饑民圖以進帝覽之驚惶憂懼傳諭閣臣至是從部議蠲是歲田租并發銀八萬兩令光祿寺丞鍾化民兼河南道御史前往賑濟其山東江北災傷重處分賑停徵有質實楊東明虞城人鍾化民字維新仁和人

吏部郎中顧憲成削籍

先是羣臣爭建儲惟王家屏與言者意合申時行王錫爵皆宛轉調護亦頗以言者為多事並封命下憲成上疏力爭又遺書錫爵反覆辨論議遂寢孫繼趙南星主考察憲成實左右之既遷郎中所推多與政

漢唐末造皆有黨禍至明季而尤烈東林講學實其權輿在顧憲成高攀龍輩其人與學未必不出于正然一經號召生徒樹立標幟而黨援門戶之禍已成彼裁量人材諷議時政自古處士橫議未有過于是者論者謂閹黨無君子東林未必無小人

府牴牾至是王錫爵將謝政會推閣臣憲成舉家屏忤帝意削籍歸憲成既廢家居里故有東林書院為宋楊時講道處憲成與弟允成倡修之偕同志高攀龍錢一本薛敷教史孟麟于孔蕙諸人講學其中海內聞風景附憲成嘗言官輦轂志不在君父官封疆志不在民生居水邊林下志不在世道君子無取故其講習之餘往往諷議時政裁量人物朝士慕之亦遙相應和由是東林名大著其後孫丕揚鄒元標趙南星等相繼講學自負氣節與質實東林書院在無政府相抗是為東林黨議之始質實錫縣常州知府歐陽東鳳無錫知縣林宰為之營構顧憲成字叔時無錫人高攀龍字存之無錫人錢一本字國瑞武進人薛敷教字以身武進人于孔蕙字元時金壇人歐陽東鳳字千仞潛江人林宰字德衡漳浦人

三月詔修國史

蓋常明政不綱
不惟真小人揚
其毒焰而偽君
子且蓋撼其類
波士習敵而國
運隨之氣數所
必至有莫之為
而為者于東林
復何尤

先是禮部尚書陳于陞請纂輯本朝正史下所
司議至是勅大學士王錫爵等充總裁官編輯
陳于陞字元忠以勤子總裁纂修官是時總裁官大
學士王錫爵張位禮部尚書陳于陞南京禮部尚書
沈一貫詹事劉虞夔少詹事馮琦副總裁官禮部尚
書羅萬化吏部右侍郎盛訥禮部左侍郎范謙右侍
郎孫繼皋少詹事曾朝節祭酒陸可教纂修官左庶
子余繼登右諭德蕭良有沈馬李廷機右中允劉應
秋修撰唐文獻焦竑編修鄭德溥郭正域黃汝良全
天敘吳道南黃輝莊天合董其昌檢討王圖蕭雲舉
區大相周如砥林堯俞

夏四月己酉朔日有食之

五月以禮部尚書陳于陞南京禮部尚書沈一貫兼東

閣大學士預機務

時王錫爵將謝政
名二人同入閣
質實
沈一貫字
肩吾鄞人

王錫爵罷

錫爵在閣時嘗請罷江南織造停江西陶器減雲南貢金力爭不宜用廷杖為世所稱特以阿並封旨被物議既而趙南星斥趙用賢放歸論救者咸被譴責衆指錫爵為之因連章自明且申救人卒莫能諒也錫爵遂屢疏引疾乞休帝不欲其去為出內帑錢建熙所愈錫勛力辭疏八上乃允之命改吏部尚書建建極殿大學士賜道里費乘傳行人護歸

六月西華門災

己酉大雷雨火
災西華門樓

秋八月以孫丕揚為吏部尚書

明世常選專由吏部一切序選除授皆以請乞交關甚至賄賂公行量地之美惡以為輕重政體官方敗壞極矣孫丕揚創為籤選之制不復假手吏胥營求干謁之風一時屏絕實可號為

丕揚掌吏部清正不撓百僚無敢干以私者獨患中官請謁乃創為掣籤法大選急選悉聽選人自掣請寄無所容銓政自是一變一時官禁相傳以為至公下逮閭巷莫不翕然稱頌而議者謂其人材不分高下地方不論繁簡而一憑籤注無異于掩鏡索照或至作竹籤傳譏之然自其法既行卒莫能改質實大選急選凡聽選及考定陞降者歸于雙月謂之大選凡改授改降丁憂候補歸于單月謂之急選竹籤傳常熟

顧大韶作

冬十月綽哈犯遼東總兵官董一元擊敗之

良法乃當時衆喙紛紜轉詆其失用人本意是皆舞弊者無由逞其高下遂深疾銓政之持平盜憎主人謬悠又何足計乎

初博斯呼為官軍所殺其弟緯哈子已圖魯益結土默特東西相倚數侵邊一元遣部將孫守廉馳右屯禦西部而自將大軍匿鎮武外為空營以待敵騎深入官軍奮擊破之逐北七十餘里已圖魯中矢走西部亦解去一元復以歲宴敵不設備率健卒踏兵渡河疾馳四百里抵寇巢斬二百餘級獲牛馬甲仗無算已圖魯旋死

質實

鎮武堡在廣寧衛東百五十里董一元宣府前衛人

乙未二十三年春正月詔宗室得就試

鄭世子載堉請宗室皆得儒服就試毋論中外職中式者視才器使從之許奉國中尉以下入試輔國中尉以上爵尊不得與其後禮臣李廷機言封爵科目原自兩途彼既願從科目入仕應照士子出身資格銓除何拘原爵亦從

質實

載堉鄭王厚烷子厚烷卒載堉讓封乃以世子祿終

其身嘗上歷算歲差之法及樂律考辨
詳確識者稱之李廷機字爾張晉江人

夏五月京師地震

秋九月青海酋永什卜犯甘肅參將達雲擊敗之

永什卜者順義王諳達從子也部衆強盛先嘗授都
督同知再進龍虎將軍自以貢市在宣化守臣遇已
厚不可逞乃隨諳達西迎活佛留據青海歲為邊患
嘗誘殺副將李魁邊將不能報遂有輕中國心至是
九月九日度將士必燕飲擁勁騎直入南川屬番偵
告總督三邊李汶檄西寧叅將達雲進擊白澤設兵
要害令番人繞出口外潛扼其背而雲自提精卒二
千夾擊大敗之雲手馘其帥一人斬首六百八十餘
級其走峽外者又為番人所殲獲駝馬戎器無算為
西陲戰功第一雲既勝度魁必復至厚集以待踰月

寇果結浩爾齊諸部先圍番寨以誘官軍番不能支
合于寇寇遂入犯西寧西寧軍堅不可破寇始遁退
奔數十里而還雲乃招集番人初與寇合者七十餘
戶皆復其業尋進雲總兵官鎮甘肅明年春李汶以
勁兵三道出塞襲布色圖營斬四百餘級獲馬畜器
械數千浩爾齊部衆復窺伺洮州汶遣泰將周國柱
等擊之斬首
質實
李汶字宗齊任邱人達雲涼州衛
三十六級
人
永什卜舊作永什布布色圖
舊作巴什
圖今並改

復建文年號

初禮部尚書沈鯉力贊司業王祖嫡之請帝不從至
是禮科給事中楊天民復以為言始詔復建文年號
附事蹟于太祖實錄之末未幾南京太常卿沈子木
既言建文帝御宇五年顧不得一盃麥飯下同齊民

于謹未忍請附食于懸丈太
質實沈鯉字仲化歸德人楊天民字正甫

山之西太平人沈

于未歸安人

淮水溢浸泗州祖陵

總河楊一魁請分殺黃流以縱淮別疏海口以導黃
蓋以淮壅由于河身日高河高由于海口不深若上
流既分則下流日減清河之口淮無黃逼則泗之積
水自消而祖陵永保無虞議者以江北歲災浸民力
不堪大役欲先洩淮而徐議分黃工部謂導淮分黃
勢實相須不容偏廢宜將導淮分黃疏濬海口等處
工程命河臣逐一舉行其一應工費
酌議動支事完分別勸懲報可
質實楊一魁安邑人

冬十月湖廣饑

湖廣巡按徐兆魁以地方災傷具四事上請一議改折一議緩徵一議蠲免一議賑濟戶部議緩徵徒貽小民他日之累不若勘被災輕重量為蠲賑詔如部議

丙申二十四年春三月乾清坤寧兩宮災

三月八日乙亥戊刻火發坤寧宮延及乾清宮一時俱燼

夏福建饑

福建諸府所屬被災人民分別振卹

六月彗星見

見東北方
芒西南指

秋七月吏部尚書孫丕揚請發推補官員章疏不報

丕揚上言數月以來廷推閣矣行取停矣年例廢矣諸臣中或以功高優叙或以資深量遷或服闋而除補或覆題而註授其生平素履原不在擯棄之列者乞體因政設官之意念國步多事之時將近日推補官員章疏簡發間有注擬未當亦乞明示別推酌補既入不報是時地方官亦多缺不補御史王以時奏言地方缺官之害藩司臬司等官職掌各有攸司每遇員缺則撫按必擇近便者一人使之攝理職錢穀而攝軍屯職兵戎而攝鹽馬夙昔未能嫻習旦夕豈能旁通顛末未暇究心畧刻難于判發聰明少有未通寧免乖違才力稍有不同輒形慙謬舞文者乘此弄其機械玩法者藉以恣其侵漁文移之往來獄訟之聽斷近者數十里遠者數百里又遠者千有餘里道路奔走歲月牽纏費用不貲勞苦勿恤或鬻賣

國用果有常經
何遽至于匱乏
理財而取資山
澤其謬亦人所

其妻子而事尚未完或轉死于溝洫而冤莫可訴司
道缺官廢事病民其為害既如此至于郡縣守令最
為親民民之倚命于守令不啻赤子于其乳母使郡
縣而可缺官則是赤子而可斷乳也使守令而可使
常署攝則是赤子而可終歲寄養也蓋專官如押匱
之典守故任怨勞而不辭攝職若傳舍之經過誰肯
竭心力以從事
乞行推補不報

仁聖皇太后陳氏崩

遣中官開礦

初畿輔奸民慙患中官多言礦利大學士申時行力
持不可至是承寧夏朝鮮用兵之後國用大匱營建
兩宮計臣束手府庫前衛副千戶仲春請開礦助大
工帝允之自是獻礦峒者踵至首開畿內命中官領

共知且成化時
因開礦之故致
羣盜滿山前鑒
非逸神宗何以
復踵故轍中使
紛紛乘傳威福
自如誣逮適于
守臣搜括盡于
難大國家未收
絲毫之益而民
間膏血已空元
氣遂從此股削
殆盡是猶掠羸
而投以股劑有
不促其亡者乎

之嗣後則河南山西南京湖廣浙江陝西四川遼東
廣東廣西江西福建雲南無地不開中使四出皆給
以閹防併偕原奏官往礦脈微細無所得勒民償之
而奸人假開採之名乘勢橫索民財有司稍忤意輒
劾其阻撓連治富家巨族則誣以盜礦良田美宅則
指為下有礦脈卒役圍捕辱及婦女其橫暴如此羣
臣屢諫帝皆不聽其後又增設各省稅使如天津店
租廣州珠監兩淮餘鹽浙江福建廣東布舶成都茶
鹽重慶名木湖口長江船稅荊州店稅寶坻魚葦及
門攤商稅等都邑閹津中使碁布水陸行數十里即
樹旗建廠所至納奸民為爪牙肆行殺奪又立土商
名目窮鄉僻塢米鹽雞豚皆令輸稅中人之家大半
皆破由是民不聊生變亂蠭起是年七月開礦汝
南八月開礦夏邑并青沂等處仍編富民為礦頭費
縣文登沂水蒙陰臨朐諸礦同時開採二十六年六月
命內監李敬採珠廣東七月命內監李道督稅湖口

魯保經理淮鹽俱許節制有司十月于雲南大理採
石二十七年正月分遣內監推京口儀真二月命內
監劉成權稅浙江李鳳採珠廣州兼徵市舶司稅課
設福建市舶司又命內監楊榮開採雲南陳奉徵荆
州店稅陳增徵山東店稅孫隆徵蘇杭等處稅課魯
坤徵河南孫朝徵山西又命內監邱秉雲徵稅四川
兼礦務梁永徵稅陝西各以原奏千戶翟應泰樂綱
等往御馬監諸相督理江西瓷廠輔臣沈一貫言中
使衙門皆創設並無舊緒可因大抵中使一員其從
可百人分遣官不下十人此十人又各須百人則千
人矣此千人每家十口為率則萬人矣萬人日給千
金歲須四十餘萬及所得饒數萬徒歛怨耳今分遣
二十處歲糜八百萬聖恩偶未之及也乞盡撤之不
報尋諸省皆併稅于礦使其年三月內監王忠徵稅
密雲馬臺徵臨清陳增徵東昌十月南京守備太監
郝隆劉朝用採寧國池州八月內監陳奉採興國州

礦洞丹砂二十八年二月內監暨祿徵鳳陽安慶蘄
廬常鎮稅邢隆稅沿江州田魯坤間彰德衛輝懷慶
等礦洞又以錦衣百戶王體仁奏命徵長江船稅又
以廣洋衛鎮撫戴君恩奏命徵廣東遺鹽及絨錦珠
寶等土產八月內監邱秉雲徵成都
鹽茶重慶名木十二月間礦穀成

閏八月乙丑朔日有食之

九月癸亥安皇后

梓宮癸亥引帝託疾不送遣官代行事部侍郎孫繼華
員外郎王就學抗疏諫帝怒抵繼華疏于地而置就
學疏不省己而詔吏部甄別郎
質實孫繼華字以德
官斥就學為民繼華亦罷去
無錫人王就學

字所敬
無錫人

河決單縣

時徐泗淮揚間無歲不苦水患總河楊一魁既議分
疏黃淮于是役夫二十萬開桃源黃河壩新河起黃
家嘴至安東五港灌口長三百餘里分洩黃水入海
開清口沙七里建武家墩高良礮周家橋石閘洩淮
水三道入海且引其支流入江于是泗陵水患平而
淮楊得無患然一魁專力桃源淮泗間而上流單縣
黃垆口之決如故後以黃垆口質實黃家嘴在桃源
不塞致衝祖陵斥一魁為民質實縣東北五港灌
口在安東縣東北高良礮在山陽縣西南由清河潤
沙阜橋西入于淮周家橋在山陽縣西南高堰上黃
垆口在曹州
府單縣南

冬十月陳于陞卒

于陞在閣與趙志皋張位沈一貫皆同年生遇事無
齟齬而帝拒諫益甚上下否隔于陞憂形於色以不
能補救在直廬數太息視日影至是以兩宮災請面
對不報乞罷亦不許以積憂成疾卒贈少保謚文
憲

丁酉二十五年春三月以楊鎬為僉都御史經畧朝鮮軍
務

征倭軍既撤詔以顧養謙為經畧養謙亦主款奏
言闕白宜封為日本王二十二年冬倭遣小西飛
入朝定封貢議命都指揮楊方亨等充貢使同沈
惟敬往養謙薦薦侍郎孫鑣自代乞身去二十四年
九月方亨等至日本闕白怒朝鮮王子不來謝不
肯撤兵所進表文又謾無臣禮是年二月方亨歸

楊錫身任經畧
倉師進取當二
柵既拔時勝勢
已如破竹乃為
私人忌功竟誦
鳴金罷戰此豈
尋常失律之法
可蔽厥辜至如
石星縱寇養奸
直殺手書通款

委罪惟敬并呈石星前後手書帝怒連累惟敬按
問下獄論死以尚書邢玠總督劉遠改麻貴為備
倭大將軍而以錫為經畧未至先呈奏十事請今
朝鮮官民輸粟得贈秩授官贖罪及鄉里丁夫等
免役又以朝鮮君臣隱藏儲蓄不餉軍劾奏其罪
由是朝鮮多怨當是時倭將行長清正等據南原
全州犯金羅慶尚逼王京會沈惟敬就連智道乃
絕九月錫抵王京倭已退屯蔚山十二月錫會邢
玠麻貴議進取分為三協合攻蔚山賊出賊大敗
奔據島山結三柵以自固遊擊陳寅連破其二第
三柵已垂拔而錫素與李如梅善以如梅未至不
欲寅功出如梅上還鳴金收軍再攻不克明年正
月行長救至錫狼狽先奔諸軍繼之賊前擊官兵
死者無算輜重多喪失是役也傾海內全力合朝
鮮通國之衆委棄于一旦舉朝差恨錫既奔還王
京與總督玠詭以捷聞贊畫主事丁應泰聞敗詣

而僅僅下獄瘐死不開立正刑章總由明季軍令廢弛疆場之人不惜喪師辱國而伐異黨同鄉習牢不可破揆其潰敗決裂所從來要皆功罪不明有以階之厲耳

錫錫揚揚自詡功代應泰憤抗疏盡列敗狀乃罷錫今應勘而以萬世德代之邢玠以前後無水兵故敗乃益募江南水兵謀海運為持久計分四路進兵麻貴為伏兵所敗中路將董一元亦潰迄無成功

質實 南原在朝鮮國城東南與全州相犄角為朝鮮要害全州在國城南全羅即朝鮮全羅道治全州其地南濱大海東接慶尚為朝鮮門戶慶尚即朝鮮慶尚道治慶州在國城東南濱海與日本相對為朝鮮屏蔽蔚山即朝鮮蔚山郡在慶州西北島山在蔚山郡城南楊鎬商邱人顧養謙字益鄉江南通州人孫鑛字文融鑛之弟邢玠青州益都人丁應泰武昌左衛人萬世德山西偏頭所人

發明

命將出師必先量敵憲勝成竹在胸而後可以刻期奏捷前此李如松等師出無功已有

明驗乃當撤兵之後復命征倭而所任者一庸懦無能之楊鎬不量其事之能濟與否輕率前驅知彼知己之謂何觀鎬所陳奏事皆苟且竟若助兵供餉全有恃于朝鮮者以中國而征一倭必借助于外藩之衆即使克捷已傷國體况朝鮮兵不習戰素為倭所輕島山一敗即旅盡喪而茲役也以救朝鮮為名而實則驅朝鮮之衆盡化為沙蟲猿鶴耳失機辱國莫此為甚至于加募江南水軍為分路搗寇之計而卒以無成亦同歸于謀國之不臧廟堂既無長策擇帥又非其人而欲懾威海嶠何可得耶

夏六月三殿災

六月十九日戊寅火起歸極門延至皇極中極建極三殿文昭武成二閣周圍廊房一時俱燼時帝銳意

聚財多假殿工為名言者謂天以民困之故災三殿以示儆奈何復因天災以困民帝不納屢徵木于川廣令輸京師費數百萬卒被中官冒沒終帝世三殿實未嘗復建也至熹宗朝魏忠賢始成之

罷修國史

從大學士張位等請也以皇極門左右兩廊被災停止正史纂修事務

秋七月赦

以三殿災故也
質實 詔曰朕仰荷天庥恭膺寶命二十有五載于茲追惟嗣服之初菴亦無時豫怠第緣歲積頗恃政成兼以多病相侵猶須深宮居攝郊廟闕躬祇之禮朝講希臨御之時喜怒猶失其平用舍未歸于當章奏每滯官曹半虛忠言寡聞民隱莫達方隅多故兵食之徵調日繁營造又興開採之

徵求四出加之旱乾水溢折民室家汚吏貪官股民膏血叢此人怨屢干天和乃于二十五年六月十九日皇極等殿皇極等門文昭武成二閣內外周迴廊房一時被火夫寢宮煨燼曾幾何時正殿崇嚴又復罹此震驚烈聖憂感慈闈踏地跼天靡所容措况一人統御之地萬國衣冠所歸天意若斯朕實不德茲已虔申籲禱痛加艾懲祓志改圖誓從今始嚴勅庶位各獻忠猷惟天視聽在民惟民歸依在德爰稽典制特布詔條庶藉有衆之歡以回皇穹之眷消咎徵于已往迓福祉于將來

播州宣慰使楊應龍叛

初應龍數從征伐恃功驕蹇帝十八年貴州巡撫葉夢熊巡按陳汝並疏應龍凶惡諸罪四川巡按李化龍以時方調播州兵防禦松潘請暫免勘問由是川貴撫案議不合應龍性猜狠阻兵者殺所轄五司七姓悉叛離其妻叔張時

照與所部何恩等上變告應龍反夢熊疏請發兵勦之而蜀中士大夫率謂蜀三面都播屬裔以千百數皆其彈壓且兵號勇數赴征調有功剪除未為長策以故蜀撫按並主撫朝議行兩省會勘應龍領赴蜀不赴黔二十年十二月建應龍詣重慶對簿繫論法當斬請以二萬金贖會倭大入朝鮮羽檄徵天下兵應龍願自將五千兵征倭報効詔釋之兵已啟行尋報罷巡撫都御史王繼光至嚴提勘結遂抗不復出而張時照等復議奏闕下繼光乃一意主勦二十一年春繼光馳至重慶與總兵劉承嗣叅將郭成等議分三軍各道並進時軍至婁山等關屯白石口應龍陽令其黨穆炤等約降而統苗兵據關衝殺都司王之翰軍覆殺傷大半會繼光論罷即撤兵委桑柘重畧盡黔師協勦亦無功以譚希思為四川巡撫與總兵劉承嗣會同貴州撫鎮相機征勦時繼光既罷御史薛繼茂乃旋主撫應龍亦上書自白御史吳禮嘉劾郭成等失律令戴罪立功尋承嗣以疾乞骸骨兩省議久不決應龍違其黨攜金

入京行間執原奏何思詰綦江縣二十二年以兵部
侍郎邢玠總督貴州車駕郎中張國璽主事劉一相
贊畫軍前二十三年正月玠至蜀察永寧酉陽等土
司皆應龍姻媾而黃平白泥諸司久為仇讐計先剪
其枝黨以檄曉譬應龍謂應龍來當待以不死不者
國家懸萬金購而頭若早為許吾不而欺也當是時
七姓惟恐應龍出得除罪而四方亡命竄匿其間又
幸龍反因以為利院道文移輒從中阻四月重慶知
府王士琦奉玠檄詣綦江縣趣應龍聽勘士琦屬綦
江令前往宣諭應龍使弟兆龍治郵傳儲糧郊迎叩
頭致餉資餼章如禮曰應龍久縛渠魁待罪然不敢
自來使君幸枉車騎臨貺敬布腹心綦江令具言于
士琦士琦即以五月八日單騎往應龍果面縛道旁
泣請死罪膝行南前叩頭流血請治公館執罪人及
蜀金士琦因為請玠以遣國璽一相及道府詰之應
龍因服蒲伏郊迎縛獻黃元阿羔阿苗等十二人案

驗逆抵應龍斬論贖輸四萬金耶採木仍革職子朝棟以土舍受事次子可棟羈府追贖黃元等梟斬重慶市是時倭氛未靖兵部欲緩應龍專事東方帝亦以應龍向有積勞許之加邢玠右都御史還朝以王士琦以川東兵備使彈治之然應龍益怙終不悛而次子可棟尋死于重慶應龍促取屍棺以勘報未完不肯發趣其完贖應龍大言曰吾子活銀即至矣擁兵驅千餘僧招魂而去分遣土目置關據險立巡警搜戮軍民刳剝七堡殆無虛日厚撫諸苗用以摧鋒名曰硬手州人稍殷富者沒其家以養苗由是諸苗人願為之出死力矣二十四年七月應龍掠刳餘慶草塘二司徧及興隆都勻各衛又遣其弟兆龍引兵圍黃平戮重安司長官張熹家及是應龍遂刳江津縣及南川尋至合江索其讐袁子升絕城下嚮割之並統苗兵大掠貴州已又侵及湖廣屯站阻塞驛路訶原奏讐民宋世臣父鑒及羅承恩等大索城中得

鑒承恩及子女慘戮以拘掘墓焚屍灰飛蔽天勢遂大熾質實五司謂黃平草塘二安撫司白泥餘

慶重安三長官司也黃平司洪武八年置萬曆二十八年改為州今屬貴州平越府草塘司在遵義府東

洪武中置今廢餘慶司元置州洪武中分置餘慶白泥二司萬曆二十八年改置縣今屬平越府重安司在

今黃平州西洪武八年置萬曆二十七年廢婁山關今名太平關在遵義府北百里大婁山上白石口在婁山

關南西陽漢縣宋為酉陽州洪武五年置州八年改為宣撫司今酉陽州為直隸州陳敘成都井研人李

化龍字子田長垣人王繼光登州人薛繼茂山西芮城籍雲南永昌衛人吳禮嘉鄆縣人王士琦臨海人

發明楊應龍一土司耳其驕恣凶暴已非一日使地方大吏早能善為制馭俾不至于跳梁何

有蠢然騷動之患若果罪惡昭著法所不容亦當明正其罪以威示遠人而申明國典乃黔撫方勅

奏罪狀蜀撫即請免勘問紛紛持議兩省自相予盾及既已問罪興師彼且抗拒顏行則更無有旋議主撫之理薛繼茂輩畏惠無賊但希苟且一時不顧養癰貽患謀之不歲其罪實無可逭至于搗金行間而遂執原奏者以洩賊憤此復成何政體迨其後名曰請降而實則仍肆侵掠所謂主撫者通以長其輕傲之心又焉怪其後之愈滋不靖乎且搗金行間內臣必有為之主者以遠方土司而潛與朝宁相結其為害于京國者甚大又豈特邊吏之失策已哉

八月京師地震

遼陽開原廣寧等衛俱震地震裂湧水三日乃止宣撫薊鎮等處俱震次日復震蒲州池塘無風生波湧溢三四尺山東濰縣昌邑樂安即墨皆震臨淄縣不雨潦水忽漲南北相向而關又夏莊大灣忽見潮起隨

聚隨聞聚則文餘開則見底樂安小清河
水逆湧流臨清磚板二閘無風起大浪
質實昌邑宋建

隆三年置縣明屬萊州府樂安
金縣明屬青州府今皆因之

冬十月以黎惟潭為安南都統使

初莫登庸請封制下而登庸已死遂使其孫福海襲
福海卒子宏漢嗣宏漢不能攝衆為黎寧臣鄭檢所
逐寧死再傳至惟潭漸強威遂舉兵攻殺宏漢子茂
洽復據安南款闕求貢總督陳大科上言莫之篡黎
其事逆黎之復讐其名正宜許其來歸詔以惟潭為
都統使自是安南復為黎氏所有而莫氏惟據高平
一郡宗黨多竄處海
質實陳大科北
直通州人
隅時出侵軼為邊患

戊戌二十六年夏四月土默特犯遼東總兵官李如松出

塞遇伏死

初如松棄倭班師言路交章詆其和親辱國帝置不問會遼東總兵董一元罷廷推如松代之如松感帝知氣益奮綽哈糾土默特諸部連寇遼東殺掠無算如松率輕騎出塞搗巢遇伏兵力戰死詔以其弟如梅代之踰年坐擁兵畏敵劾罷

京師旱

以禱雨黑龍潭加封黑龍潭龍王廟號勒碑紀之

六月張位罷

日本封事壞位力薦楊鎬才請付以朝鮮軍務鎬遭父喪又請奪情視事帝皆從之會贊畫主事丁應泰

劾鎬喪師言位與鎬密書往來朋黨欺國鎬拔擢由
賄位得之帝怒下廷議位惶恐奏辯給事中趙完壁
徐觀瀾復交章論之位窘亟奏羣言交攻孤忠可憫
臣心無纖毫愧惟上矜察帝怒曰鎬由卿密揭屢薦
故奪哀授任今乃朋欺隱惡辱質實趙完壁陝西人
國損威猶云無愧遂奪職閒住質實徐觀瀾澤州人

秋八月京師地震

丁丑夜四
更地震

冬十一月倭遁去官軍分道追擊敗之朝鮮平

初官軍分道擊倭不利會平秀吉死羣倭俱有歸志
其渠帥清正發舟先走總兵官麻貴遂入島山西浦
都督陳璘遣副將鄧子龍督水軍千人駕三巨艦為
前鋒邀之釜山南海戰歿會副將陳璘季金等軍至

邀擊之倭無鬪意官軍焚其舟賊大敗其得脫登岸者又為陸兵所殲焚溺者萬計時總兵劉綎方攻行長奪曳橋砦璘以舟師夾擊復焚其舟百餘行長黨石蔓子引舟師來救璘邀之半洋擊殺之于是諸倭揚帆盡去自倭亂朝鮮七載喪師數十萬糜餉數百萬中國與朝鮮迄無勝算至秀吉死禍始息是年六月命萬世德代楊鎬經畧朝鮮軍務畏倭不敢前比聞倭退會同總督邢玠奏捷贊畫主事丁應泰等劾諸臣賄倭賣國帝以將士久勞苦仍發金十萬兩犒師敘東征功首陳璘次劉綎擢都督同知又次麻貴加右都督邢玠萬世德各予貲實

曳橋砦在朝鮮慶世廕董一元楊鎬俱復原職

貲實州西南順天城外

陳璘字朝爵翁源人鄧子龍豐城人素慷慨初起廣東把總歷麻陽永城叅將擢總兵官所在立戰功時年踰七十意氣彌厲欲得首功急攜壯士三百人躍上朝鮮舟直前奮擊賊死傷無算他舟誤擲火器入

子龍舟中火起賊乘之子龍
死贈都尉僉事廟祀朝鮮

發明

以中國全力救朝鮮歷七年之久迄無勝算
豈真倭之強不可勝哉始則石星惑封貢之

議繼則楊鎬挾忌功之私徒使老師海上糜餉中
原向非倭酋自斃則朝鮮之事正未可知當時在
事債輾之輩併為一談幸有贊畫丁應泰者糾劾
諸臣之賄倭賣國正可因以分別工罪申明國憲
乃徒以將士久勞意存姑息專事懋叙行賞而畏
縮不進之萬世德亦得冒功予廢挾私敗績之楊
鎬并得原情復職刑章廢弛軍紀蕩然是時邊事
日繁中國坐耗元氣銷鑠之餘又苦跋盭就使師
出以律猶慮得不償
失況復否臧之凶乎

以劉東星為工部侍郎總理河漕

初潘季馴議開黃河上流循商邱虞城而下歷丁家道口出徐州小浮橋即元賈魯所浚故道也朝廷以費鉅不果東星即其地開濬起曲里鋪至三仙臺抵小浮橋又濬漕渠自徐邳至宿遷凡五閱月工竣明年濬邳伯界首二湖又明年開沁河南通淮海引漕甚便質實丁家道口在歸德府商邱縣北小浮橋今名雲集橋在銅山縣舊城東北隅曲里鋪在蕭縣西三仙臺山名在蕭縣北邳伯湖在揚州府北四十五里界首在高郵州北六十里劉東星字子明沁水人

總督李汶襲浩爾齊于松山走之復其地

齊里克己東歸而套寇浩爾齊已什圖等頻年抄掠如故據三大巢曰河套曰海西曰松山聲息交倚松在河西為菴番襟要地垂二千里總督三邊李汶內聯四鎮外招番人襲破寇于松山復其地築邊垣四

百里以蔽莊涼蘭靖為內地而盡撤舊戍汶督陝凡
四考進秩至少師李汶疏云兵動萬餘師勞旬日
收幅員千里之封疆剪腹心數百年之巨害葉向高
誌汶大小百餘戰斬馘萬九千有奇降萬二千有奇
遂空松
幕云

己亥二十七年春三月以李化龍總督川湖貴州軍務討

楊應龍

先是貴州巡撫江東之令都司楊國柱指揮李廷棟
率部兵三千剿應龍應龍遣子朝棟弟兆龍何漢良
等迎敵于飛練堡賊佯走天邦國誘官軍盡殲之國
柱罵賊不屈與經厯潘汝資等皆死東之罷以郭子
章代而命化龍兼兵部侍郎節制川湖貴三省軍事
調東征諸將劉綎麻貴陳璘董一元南征六月應龍

乘大兵未集遂勒兵犯綦江城中新募兵不滿三千
賊兵八萬奄至圍綦江城數匝叅將房嘉寵誤焚火
磚反傷城上兵賊乘勢登城嘉寵率師巷戰蜀兵爭
譟走水上嘉寵乃殺其妻與遊擊張良賢俱死之應
龍因刼縣令縱囚焚掠出綦江庫犒師依倉就食盡
取貲財子女去老弱者殺之投屍蔽江而下水為赤
尋退屯三溪以綦江之三溪毋渡南川之東鄉壩立
石為橋界號宣慰官莊聲言江津合江皆播故土茲
結九股生苗及紅黑脚等苗負險弄兵為助是時賊
猶未敢鼓行深入止言爭界給葬并索奸民而化龍
等以授師未集蜀人畏賊如虎時時移文詰責示無
逖絕意計以緩賊賊果具文求撫不復西向時郭子
章日夜徵調各漢土兵分守南川合江等處軍聲漸
震應龍偽軍師孫時泰請應龍直取重慶搗成都刼
蜀王為質而應龍遷延不進尚冀曲宥化龍至成都
亦謬為好語靡之己而帝聞綦江破追褫兩省巡撫

譚希思江東之各為民賜化龍劍假便宜討賊調各路兵大舉十月化龍移駐重慶調度川貴湖廣兵總兵官劉綎軍亦至綎素有威名其家丁良馬皆可決勝然夙與應龍昵人皆疑之于是化龍延綎入卧内輸心腹且以危言激之引其父顯九絲功為比綎大慟願誓死報効化龍騰書于朝遂委綎專制軍事益有次第矣已而應龍屯官壩聲言窺蜀已遂焚東坡爛橋出掠興隆鎮遠化龍議置勁兵萬餘據守要害通楚黔道益調諸質實飛練堡在平越府甕安縣東路兵以俟大舉廢草塘司北十里天邦園在廢草塘司西北三溪唐置縣宋廢故城在今重慶府綦江縣南東鄉壩在南川縣西南官壩在遵義府城西北東坡在平越府黃平州東爛橋在鎮遠府施秉縣南郭子章字相奎泰和人

夏旱

自去冬至是亢旱為災
河井乾竭二麥枯槁

閏四月遣中官覈天下積儲

太倉為國計所繫度支常準常經神宗五十縱同時行婚何竟需至二千四百萬之多實事理所不可解蓋由神宗一切漫無稽核惟聽中涓冒取浮支且從而藉端搜括國既蠹於侵漁民

秋八月陝西山崩

狄道縣有山長二百餘丈聲如雷者十數夜遂陷為池山南平地湧山五高者二十餘丈

冬十月加四川湖廣田賦

以播州用兵故

十一月賑畿輔饑

復囿於征斂上
下空虛危亡日
逼故明命脉雖
戕於奸璫實神
宗自戕之也

發天津德州臨清倉共三十萬石以十萬賑貸而以
二十萬平糶是月蠲免河南鳳陽各府州縣被災處
免徵改
折有差

十二月武昌漢陽民變擊傷稅使陳奉

奉在湖廣恣行威虐慘毒備至興國州奸民漆有光
許居民徐龍等掘唐相李林甫妻楊氏墓得黃金巨
萬奉奏之帝命奉括進內庫奉因毒拷責償且悉發
境內諸墓巡按御史王立賢言所掘墓乃元吕文得
妻非林甫妻奸人許奏語多不實請罪不治而停他
處開掘不報時巡撫吏可大以下事奉唯諾惟謹獨
分巡僉事馮應京以法裁之至是有武昌漢陽諸生
妻被辱訴上官市民從者萬餘哭聲動地蠶擁入奉
廨爭投瓦石擊奉奉被傷諸司馳救之乃免應京捕
治其爪牙奉怒陽餉食而置金其中應京復暴之益

慚恨尋置酒邀諸司以甲士千人自衛遂舉火箭焚
民居民羣擁奉門奉遣人擊之多死碎其屍擲諸途
可大噤不敢出聲應京獨抗疏列其九大罪奉亦誣
應京挾命凌敕使帝怒命貶應京邊方雜職給事中
田大益御史李以唐等交章劾奉乞宥應京帝益怒
除應京名是時襄陽通判邸宅推官何棟如棗陽知
縣王之翰亦忤奉被劾詔宅之翰為民棟如遣逮逮
以都給事中楊應文論救遂併逮應京宅之翰三人
頃之奉又誣劾武昌同知卞孔時抗拒孔時亦被逮
緹騎抵武昌民知應京獲重譴相率痛哭奉乃大書
應京名列其罪榜之通衢士民益憤聚數萬人圍奉
廨誓必殺奉奉逃匿楚王府衆乃投奉黨十六人于
江并傷緹騎以可大助虐焚其轅門可大不敢出日
已晡猶紛亂應京囚服坐檻車曉以大義乃稍稍解
散奉匿楚府逾月不敢出亟請還京大學沈一貫因
極言奉罪請立代還言官亦爭以為請帝未許會江

西湖口稅使李道奏奉水阻商舟陸截販賈剥民病國帝乃召奉還隸其事於承天守備杜茂頃之東廠奏緹騎有死者帝怒甚手詔內閣欲究主謀一貫言民心宜靜請急遣重臣代可大拊循因薦侍郎趙可懷帝乃褫可大官令可懷馳往未至可大已遣兵護奉行舟車相銜數里不絕可懷入境亦遣使護之奉得遙遷去應京之就逮也士民擁檻車號哭車不得行既去則家為位祀之父老相率詣闕訴冤帝不省繫應京等詔獄拷訊久之至三十二年九月以星變修省廷臣多請釋繫囚于是應京及宅棟如獲釋之翰先瘞死而孔時繫獄如故至四十一年始釋歸奉至湖廣二年武昌凡再變繼之漢口黃州荊州荆門襄陽寶應德安湘潭諸處變經十起幾成大亂而是時山東臨清民亦謀而逐稅監馬堂縱火焚堂署斃其黨三十七人皆黥背諸偷也詔捕首惡株連甚衆有王朝佐者素仗義慨然曰首難者我也勿累無

事臨刑神色不變臨清民立祠以祀未幾蘇州亦民
變殺稅監孫隆黨六人有司捕亂者民苦誠獨承諭
死遇赦得釋自礦稅興中使暴橫所至踰藉有司謗
書一聞駕帖立下二十四年則遼東叅將梁心二十
五年則山東福山知縣韋國賢二十六年則山東益
都知縣吳宗堯二十七年則江西南康府知府吳寶
秀星子知縣吳一元山東臨清守備王煬湖廣荊州
府推官華鈺經歷車任重二十八年則廣東新會在
籍通判吳應鴻舉人勞養魁鍾聲朝梁斗輝雲南尋
甸知府蔡如川趙州知州甘學陝西富平知縣王
正志二十九年則應京宅棟如之翰及武昌同知卞
孔時江西饒州通判陳奇可三十年則鳳陽臨淮知
縣林錡三十四年則陝西咸陽知縣陳時濟三十五
年則陝西咸寧知縣滿朝薦三十七年則遼東海防
同知王邦才叅將李獲陽皆幽繫詔獄久者至十餘
年煬應鴻志學獲陽俱斃獄中其他削籍貶官者甚

衆至士民因繫死質實支可大崑山人馮應京字可

亡者尤不可勝紀質實大盱眙人田大益四川定遠

人卽宅人姓名氏族志卽氏望出中山何棟如南京

左衛籍無錫人王之翰絳州人吳宗堯字仁叔歙縣

人華鈺字德夫丹徒人王志正

祥符人滿朝薦字震東麻城人

發明礦稅為神宗時極弊之政乃復以奸民訐告

敕使括金遂至悉發境內諸墓暴及枯骨因

以凌辱士民之妻甚至舉火焚燬民居碎屍擲諸

途路明代任用內寺其弊百出誤國喪師何所獲

奉實有以致之豈盡民之無良哉應京抗疏劾奉
可謂直言而轉檻車繫訊閣臣臺臣亦交章聲言
奉罪神宗僅僅召奉還京無一譴訶
之語賞罰之不明不幾拂人之性耶

庚子二十八年春二月京師地震

戊寅午時地動起自東北往西南連動二次

夏六月李化龍帥師平播州

楊應龍勒兵數萬五道并出攻破龍泉司土官安民
志率步卒五百拒守死之時化龍徵兵大集大會文
武于重慶登壇誓師分八路進兵川師分四路總兵
劉綎由綦江入總兵官馬孔英由南川入總兵官吳
廣由合江入副將曹希彬受廣節制由永寧入黔師
分三路總兵官童元鎮由烏江入叅將朱鶴齡受元

鎮節制統宣慰使安疆臣由沙溪入總兵官李應
祥由興隆入楚師一路分兩翼總兵官陳璘由偏橋
入總兵官陳良珙受璘節制由龍泉入每路兵三萬
官兵三之土兵七之巡撫郭子章駐貴陽湖廣巡撫
支可大移沅州化龍自將中軍策應部署既定化龍
戒諸將以抵婁山等關為期且曰關外且戰且招降
多不可勝誅也關內急戰勿受降師不可久老賊詐
不可信也先是蜀玉壘山忽裂僉謂昔年平九絲地
數動殆播平先兆云劉綎進兵綦江連戰破三峽綦
江自東溪入播並峻嶺密箐楠木山羊簡臺三峽素
號奇險賊首穆焄等盤據綎力戰克之楊朝棟統苗
兵數萬分道迎敵鋒甚銳官軍夾擊綎身自陷陳苗
大驚曰劉大刀至矣棟潰圍走幾被獲賊膽落益為
守禦計諸軍分道並捷南川則酉陽石砭二司兵先
登遂連克桑木烏江河渡三關陳璘至副將陳寅擊
四牌賊各披靡遂奪天都三百落諸囤賊連敗乃乘

隙出奇兵突犯烏江詐稱水西龍澄會哨永順兵斷
橋溺死官軍無算叅將楊顯守備陳雲龍阮士奇白
明遠指揮楊續芝等死之事聞達總兵童元鎮下于
理時有蜚語水西佐賊者化龍檄詰之水西不自安
會賊殺其頭目澄大眼復修好賄澄澄戮其使擊斬
偽將楊惟棟等安疆臣亦執賊二十餘人以示不背
時劉綎戰九盤入婁山關關為賊前門萬峯插天中
通一線官軍從間道攀藤魚貫毀柵而入四月朔屯
白石應龍率諸苗決死戰陰令楊珠等抄後山奪關
四面合圍都司王芬中流矢死劉綎親勒騎衝堅以
遊擊周敦吉守備周以德分兩翼夾擊敗之與南川
永寧路合連破其龍爪海雲諸險圍壓海龍圍而壘
海龍圍者賊所倚天險飛鳥騰猿不能踰者時偏沅
巡撫都御史江鐸已抵任視師陳璘帥師急攻破其
青蛇固安疆臣亦奪其落蒙關至大水田焚桃溪莊
賊見勢急父子相抱哭上國死守每路投降文以緩

官軍化龍以賊詭降檄令斬使焚書毋為所給又虞
緹與應龍有舊檄令無通賊緹械其人自明而吳廣
入崖門闢營水牛塘與賊力戰三日却之賊詭令婦
人于國上拜表痛哭云田氏且降復詐為應龍仰藥
死以報廣己而覘知田氏詐降以緩攻而所云應龍
死乃川兵攻國以火礮擊死所謂揚珠也珠驍勇善
戰既死賊痛如失左右手廣覺詐益厲兵協攻絕賊
樵汲八路大集海龍國下遂築長圍更番迭攻賊大
困會化龍聞父喪詔以墨線視師化龍跣而草檄益
治軍念賊前險不能越令馬孔英勒兵攻其後時天
久雨將士馳泥淖中苦戰六月四日天忽開霽明日
劉緹身先士卒進克土城應龍益迫散數千金募死
士拒戰諸苗皆駭散無應者起提刀自巡壘見四面
火光燭天傍徨長歎泣謂其妻子曰吾不能復顧若
矣詰朝官軍遂登國破其大城入應龍倉皇同受妾
二閭室縊且自焚吳廣獲其子朝棟及兆龍等百餘

人播賊平計出師至滅賊百十有四日化龍露布以
聞劉綎為軍功魁詔磔應龍屍戮朝棟兆龍等于市
以其地置遵義平越**質實**龍泉本龍泉坪長官司元
二府分屬四川貴州**質實**為思州安撫司治明神宗
二十九年改為龍泉縣屬貴州石阡府今因之烏江
在遵義府南境上有關明洪武中置沙溪在遵義府
城南偏橋明初置長官司今屬鎮遠府玉壘在成都
府灌縣西北三十里巖石上有錫玉壘字桑木關在
遵義府綏陽縣東河渡關在烏江關東水西宣慰司
在貴陽府西北三百里海龍關在遵義府城北為應
龍穴壘青蛇關在遵義府城東落蒙關在遵義府城
西崖門關在遵義府西北遵義平越二府今皆屬貴
州吳廣廣東人童元鎮桂林右衛
人江鐸仁和人田氏即七姓之一

秋七月旱

工科給事中王德完以祈禱雨澤奏言致早有由縱其所以毒民者是也弭災有法衛其所以保民者是也今出押中之虎兇以吞饜羣黎逸園內之豺狼以搏噬百姓怨憤無處得伸鬱結無時可解霖雨以天怒而屯肥蠶緣人妖而出如之何不旱亟改前弦將各省贖貨之使一旦撤回則修省以實不以文何旱災之不穰哉
王德完字子醇廣安人

冬十月下給事中王德完于獄廷杖除名

時鄭貴妃日有寵而王皇后多疾左右咸竊意后崩貴妃即正中宮位其子為太子中允黃輝皇長子講官也從內侍微窺得其狀謂德完曰此國家大事旦夕不測書之史冊謂朝廷無人德完乃屬具草及是上之疏入帝震怒立下詔獄拷訊尚書李戴御史周盤等連疏論救忤旨切責御史奪俸有差閣臣沈一

貫方在告力疾草奏為德完解帝亦不憚命杖德完
百除其名復傳諭廷臣諸臣為皇長子耶為德完也
如為皇長子慎無瀆擾必欲為德完
則再遲冊立一歲廷臣乃不復言
質實黃輝字平

李戴字仁夫延津
人周盤澤州人

兩畿盜起

頻年災旱又苦礦稅兵民多起為盜浙人趙一平以
妖術倡亂竄徐州與其黨孟化鯨等招集亡命自稱
宋後署偽官期明年二月諸方並起事覺伏誅時鳳
陽巡撫李三才再疏陳礦稅之害言陛下愛珠玉民
亦慕溫飽陛下愛子孫民亦戀妻孥奈何崇聚財賄
而使小民無朝夕之安又言近日奏章凡及礦稅悉
置不省此宗社存亡所關一旦眾畔土崩小民皆為
敵國陛下即黃金盈箱明珠填屋誰為守之皆不報

質寶

趙一平妖術倡亂明實錄趙一平浙之山陰人素習邪術俶詭喜亂會麗水妖婦王氏假稱佛

號與義烏姦吏陳天寵傳香淫聚煽惑浙東其夫死一平黃緣妻之造指南經妖書令其黨分投兩都省署同日布散黃鼓人心黨獲懼誅改姓名曰古元逃竄徐州結納無賴猖狂大言已而流寓杭城誦經聚衆拒捕殺人變姓名亡命滄瀛間至寶坻為千戶劉文所擒械京師即訊獄具一平王氏天寵皆戮西市梟首狗衆餘黨各論斬枷示遣戍有差李三才字道南順天通州人

辛丑 二十九年春二月賑大同宣府饑

蠲免二府本

年應徵錢糧

夏五月罷山西巡撫魏允貞

中官張忠孫朝先後領山西礦稅誅求百方允貞每事裁抑疏暴其罪朝怒劾允貞抗命阻撓帝留允貞疏不下而下朝疏于邵院將加譴責吏部尚書李戴都御史溫純力爭允貞賢請下允貞疏平議帝並留中山西軍民數千人詣闕為允貞訟寃言官亦連章論救帝置不問允貞父年九十餘乃乞歸侍養廷議以稅使害民非允貞不能制固留之允貞請益力聽歸

旱

畿輔山東河南赤地數千里吏部尚書李戴等條上旱災封事言自去年六月不雨至今三輔歉收民不聊生草木既盡剥及樹皮夜竊成羣兼以晝劫道殣相望村空無烟據巡撫汪應蛟揭稱坐而待賑者十八萬人過此以往夏麥已枯秋種未布使百姓坐而待死更何忍言使百姓不肯坐而待死又何忍言加

以頻值外警連興傾國之師車殆馬煩行齎居送按
丁增調踐畝加租此時賦稅之役比二十年以前不
啻倍矣而礦稅之議煩興貂璫之使出不論地有
與無有包礦包稅之苦不論民願與否有派礦派稅
之苦指其屋而挾之曰彼有礦則家立破矣彼漏稅
則橐立傾矣以無可查稽之數用無所顧畏之人行
無天理王法之事大畧以十分為率入于內帑者一
尅于中使者二瓜分于叅隨者三指騙于土棍者四
而地方之供應歲時之餽遺驛遞之騷擾與夫不才
官吏指以為市者不與焉陛下但知利源易開中貴
易信豈知彼剥害小民至于如此亦豈知今日苦礦
苦稅之民即是前日被災被兵之民重累疊困咨嗟
愁怨至于
如此不報

六月法司請熱審不報

嗣後數年每請皆不
報獄囚久繫多死

秋八月復以李成梁鎮遼東

成梁去遼十年之間更易八帥邊備益弛會總兵馬
林獲罪沈一貫言成梁雖老尚堪將兵乃命再鎮遼
東年已七十六矣時土默特察罕及巴圖已死寇掠
漸稀而開原廣寧復設馬木二市諸部就市賞利爭
就款以故成梁再質實復設馬木二市先是泰寧朵
鎮八年遼左少事質實頗福餘諸部屢犯邊後朵顏
小岱青悔禍款塞請開木市于義州帝之二十三年
遼東巡撫李化龍疏言其利廷議從之未幾遂罷并
罷馬市小岱青復為寇至是成梁力請復之後以為
常察罕舊作長昂巴圖舊作把吐小岱青舊作小
歹青今並改

九月河決開封歸德

開封歸德二府大水商邱等處黃河水發衝決蕭家口一百餘丈全河皆南注原行河身頃刻變為平沙商賈舟不暇解維盡涸平沙之上商邱虞城夏邑多被淹沒

趙志皋卒

志皋為首輔年七十餘耄矣柔弱為朝士所輕日本封貢議起石星力主之志皋亦冀無事相與應和及封事敗劾星者必及志皋志皋每被言輒疏辯求退然志皋才氣不如沈一貫張位而醇謹過之時帝益怠荒章疏沈閣官僚曠闕志皋亦頗論諫特以石星之故物議叢焉其乞休疏凡八十餘上俱不許在告四年至是卒于邸舍

賑貴州饑

貴州巡撫郭子章言六月十八日貴陽府定番地震自酉至戌有聲如雷黔東諸府衛及黃平五司自正月不雨至于六月思南府大雨婺川縣大雨永甯交作城內水深數尺去年苦兵今年苦饑黔東憂旱黔南憂水軍民重困議將湖廣四川二省協濟施實欠錢糧如數徵解以賑全黔戶部如議請報可
定番州明成化中置程番府神宗時置州屬貴陽府今因之如是

以前禮部尚書沈鯉朱賡並兼東閣大學士預機務

鯉素鯉亮前在禮部持典禮多所建白申時行銜鯉不附己深忌之一日鯉請告時行疾擬旨放歸帝曰沈尚書好官奈何使去傳旨諭留帝有意大用鯉微言沈尚書不曉人意內監密告鯉鯉拒之曰禁中語

設誓緘合已是
溺惑失情然猶
事理所有至云
封識訖然而書
紙為蟲蝕盡不

非所敢聞卒引疾歸賡充講官時宮中方興土木治苑囿賡因講宋史極言花石綱之害帝為悚然累遷禮部尚書遭繼母喪去至是趙志皋卒沈一貫請增置閣臣帝素慮大臣植黨欲用林居及久廢者遂詔經與賡以原官入閣叅預機務

冬十月立子常洛為皇太子

時太子年二十羣臣屢請冊立冠婚並行沈一貫草敕請下禮官具儀而廷議有欲先冠婚後冊立者一貫不可曰不正名而苟成事是降儲君為諸王也帝意亦悟命即日舉行既而復令改期一貫封還諭旨力爭乃立常洛為皇太子同日封諸子常洵福王常浩瑞王常潤惠王常瀛桂王初儲位未定鄭貴妃要帝至大高元殿謁神設密誓立其子為太子帝因書一紙緘玉合中賜妃為符契後廷臣爭之彊慈聖

知玉合尚織蟲
從何入尤屬傳
會可笑緣當時
在廷爭儲叶嗽
若居奇貨其計
幸而得售遂爾
矯語神奇史家
無識遂侈傳之
且以為足資法
戒之助失適遠
矣

太后復堅持立長而妃又忽失懼于是皇長子遂得
立為太子帝遣人取玉合封識宛然發合蟲蝕書盡
矣
質實 福王後之藩洛陽瑞王後之藩漢中惠王後
之藩荊州桂王後之藩衡州常潤常瀛並李
貴妃
生

御定資治通鑑綱目三編卷二十八